

DS
735
A2Y86
1771a
V.22

University of Toronto
Library

e 440/62

ASIAN COLLECTION

御批歷代通鑑輯覽卷之四十三

南北朝

辛梁中大通三年魏節閔帝恭春二月魏爾朱世隆廢其
亥普泰元年廢帝明中興元年主聘而立廣陵王恭廣陵王羽之子

初魏廣陵王恭以元叉擅權託稱瘖疾居于龍華佛寺

無所交通至是爾朱世隆兄弟以魏主聘疎遠無人望

密謀更立近親郎中薛孝通字士達汾陰人總之子說爾朱天光

曰廣陵高祖猶子夙有令望沈晦不言多歷年所若奉

以爲主天人允協矣天光使爾朱彥伯榮從弟潛往脅之

恭乃曰天何言哉世隆等大喜乃廢聘而立之邢邵字

才巒爲赦文叙敬宗西魏太昌中追諡子攸枉殺爾朱

邢邵敘敬宗枉殺爾朱榮
所謂六經掃地平日博聞
強記文出爲之紙貴者正
虛車之飾耳

榮之狀。魏主曰。永安手翦彊臣。非爲失德。直以天示厭
亂。故逢成濟之禍耳。因取筆自作赦文。魏主閉口八年。
至是乃言。中外欣然。以爲明主。

魏河北大使高乾起兵信都。以冀州迎高歡。

初。爾朱榮以高敖曹

即高昂。後以字行。

入洛。

敖曹爲榮所執。事具前。

敖曹

兄乾亦自東冀州

乾父翼。前聚衆河濟間。魏置東冀州。以翼爲刺史。

馳至。及榮

死。魏敬宗以乾爲河北大使。敖曹爲直閣將軍。使歸集

鄉里爲形援。

敬宗親送之。河橋舉酒。指水曰。卿兄弟冀部豪傑。能令士卒致死。京城倘有變。可爲

朕河上一揚塵。乾垂涕受詔。

敖曹援劍起舞。誓以必死。俄而敬宗遇害。劉靈助反。

于幽州。

靈助推筭。知爾朱氏將衰。乃起兵。聲言爲敬宗復讐。幽瀛滄冀之民多從之。

乃是爾

朱光遣監軍孫白鷄至冀州。託言調發民馬。欲收乾兄

弟乾等知之。乃與前河內太守封隆之

字祖裔。隆之子。等襲信

都。殺白鵠。奉隆之行州事。爲敬宗舉哀。將士皆縞素。升

壇誓衆。移檄州郡。共討爾朱。殷州刺史爾朱羽生襲

之。爲敖曹所敗。

敖曹馬稍絕世。左右無不一當百。

時高歡屯壺關。聲言

討信都。衆懼。乾曰。吾聞高晉州雄略蓋世。其志不居人

下。且爾朱無道。弑君虐民。正是英雄立功之會。今日之

來。必有深謀。吾當輕馬迎之。諸君勿懼。乃潛謁歡于滏

口。

注見前。

說之曰。爾朱酷逆。痛結神人。凡曰有知。莫不思

奮。明公威德素著。天下傾心。若兵以義立。則屈彊之徒。

不足爲明公敵矣。鄙州雖小。戶口不減十萬。穀桔之稅。

足濟軍資。願熟思之。歡大悅。與同帳寢。已歡東出。趙郡

李元忠

靈之曾孫

復勸歡就乾

元忠先為南趙郡太守。好酒。無政績。及爾朱兆弑敬宗。棄

官歸。謀舉兵討之。會歡已見乾東出。元忠乘露車載素

箏濁酒以迎歡。歡未即見。元忠下車獨酌。謂門者曰。今

聞國士到門。不吐哺輟洗。其人可知。還吾刺勿通也。門

者以告歡。遠見之。引入。觴再行。取箏鼓之。長歌慷慨。歌

闕。謂歡曰。天下形勢可見。公猶事爾朱邪。歡曰。趙郡醉矣。使

彼所致。敢不盡節。元忠曰。非英雄也。歡曰。趙郡醉矣。使

人扶出。元忠不肯起。孫騰進。此君天遣來。不可違也。進

歡乃復與語。元忠慷慨流涕。歡亦悲不自勝。元忠因進

策曰。殷州小。無糧仗。不足以濟大事。若向冀州。高乾豈

兄弟。必為明公主人。殷州便以賜委。冀殷既合。滄瀛幽

澄

字子惠

以子孫禮見之。敖曹乃與俱來。

初乾之舉兵也。仍受劉靈助節

度。靈助自占曰。三月之末。我必入定州。已而魏

都督侯淵討靈助。斬之。函首入定州。果如其期。

魏封其故主聘為東海王。

高歡在魏已成尾大之勢
然亦時君有以致之使然
耳徵之不至逆跡已彰復
授以重寄雖出于無可奈
何而歡因此益無忌懼
拔岳宇文泰等從而效尤
魏于是魚爛而不可救藥
矣

魏以爾朱世隆爲太保。

時天光專制關右。兆奄有并汾。仲遠擅命徐兗。世隆居中用事。競爲貪暴。而仲遠爲尤甚。所部富室多誣以謀反。沒其婦女財物。而投其男子于河。人畏之如豺虎。由是四方皆惡爾朱氏。而憚其彊莫敢違也。

魏以高歡爲渤海王。

魏賜高歡爵渤海王。徵之不至。乃以爲東道大行臺冀

州刺史。

夏四月。梁太子統卒。諡昭明。

統自加元服。梁主使省錄朝政。辨析詐謬。秋毫必睹。但令改正。不加案劾。斷獄多所全宥。寬和容衆。喜愠不形。

儲貳地易嫌疑厭禱跡涉
巫蠱昭明讀書好古奈何
不以戾太子事為鑒雖云
小人構釁然亦有以自取
之矣

于色好讀書屬文引接才俊不畜聲樂每霖雨積雪遣

左右周行閭巷視貧者賑之天性孝謹在東宮坐起恒

西向母丁貴嬪卒水漿不入口腰帶十圍減削過半及

寢疾恐貽梁主憂敕參問輒自力手書及卒朝野惋愕

五月梁立子綱

即簡文帝

為太子六月封孫歡

字孟孫

為豫章王

譽

字重孫

為河東王譽

即後梁宣帝皆故太子統子

為岳陽王

梁昭明太子既卒其長子華容公歡梁主欲立為嗣以

衙太子舊事猶豫久之竟不立

初昭明太子葬母丁貴嬪有道士云此地不利

長子請厭之乃為蠟鵝及諸物埋于墓側宮監鮑邈之

有寵于太子晚而見疎乃密啟梁主云太子有厭禱梁

主遣檢掘果得鵝物大驚將窮其事徐勉諫而止已而

但誅道士由是太子終身慙憤及卒不能自明

立太子母弟晉安王綱為太子朝野多以為不順侍郎

昭明既不享年以次立賢
于理未為不順而朝野嘆
嘆屬意統子宏正奏記簡
文執魚臧已事為例徒高
遜讓之名而不顧禍祖之
裔正義庸有寧即如洪
武因劉三吾一言令太孫
主器以致諸王不通禍釀
燕藩迂儒誤人家國大率
如此梁武且以人言不息
封統子以慰眾心是誠何
為者耶

周宏正

字思行。捨弟之子。

嘗為綱主簿乃奏記曰。謙讓道廢。多

歷年所。願殿下抗日夷。

宋子魚。事具前。

之義。執子臧。亦見前。之

節。綱不能從。

綱以徐摛為家令。兼管記。摛文體輕麗。春坊學之。時人謂之宮體。梁主聞之。怒。召摛。

欲加誚責。及見應對明敏。意更釋然。因問經史及釋教。

摛商較縱橫。梁主深歎異之。寵遇日隆。朱异不悅。謂所

親曰。徐叟漸來見逼。須早為之所。遂乘間白梁主曰。摛

老。愛泉石。意在一郡。梁主謂摛真欲之。乃曰。新安大好

山水。遂出為郡。徐摛字士秀。東海人。新安。注見前。
譽。等皆大郡。以慰其心。

魏冀州刺史高歡起兵討爾朱氏。

高歡自向山東。養士繕甲。禁兵侵掠。百姓歸心。將起兵

討爾朱氏。斛律金。斛律。本敕勒部。因為庫狄干。氏。段

西碑之後。避難。與婁昭。字菩薩。平城。段榮皆勸成之。歡

乃詐爲書稱爾朱兆將以六鎮人配契胡爲部曲。衆皆

憂懼。又爲并州符徵兵討步落稽。

卽稽胡。劉淵五部之苗裔。

乃發萬

人將遣之。孫騰尉景爲請留五日。如此者再。歡親送之。

郊。雪涕執別。衆號慟。歡乃諭之曰。與爾俱爲失鄉客。義

同一家。不意在上徵發。乃爾。今直西向。已當死。後軍期。

又當死。配國人又當死。奈何。衆曰。唯有反耳。歡曰。然。當

推一人爲主。誰可者。衆推歡。歡曰。爾不見葛榮乎。雖有

百萬之衆。曾無法度。終自敗滅。今以吾爲主。當與前異。

無得陵漢人。犯軍令。生死任吾則可。不然。不能爲天下

笑。衆皆頓顙曰。死生唯命。歡乃椎牛饗士。起兵信都。然

猶未敢顯言叛爾朱氏也。會李元忠舉兵逼殷州。歡令

高乾救之。乾輕騎入見爾朱羽生，因斬之，持首謁歡。歡撫膺曰：「今日反決矣！」乃以元忠爲殷州刺史，抗表罪狀爾朱氏。

冬十一月，魏高歡立渤海太守元朗。章武王融之子，是爲廢帝。自爲丞

相，敗爾朱兆等軍于廣阿。注見前。

爾朱仲遠、度律等聞高歡起兵，不以爲慮。獨世隆憂之。孫騰說歡曰：「今朝廷隔絕，號令無所稟，不權有所立。衆將沮散，歡乃立渤海太守元朗爲帝。朗以歡爲丞相，都督中外諸軍事。高乾爲侍中、司空，封拜有差。爾朱仲遠、軍陽平、兆、軍廣阿，歡用竇泰計，縱反間云：『世隆兄弟謀殺兆。』復云：『兆與歡同謀殺仲遠等。』由是迭相猜貳，徘徊

得衆人之死得天下之心
段韶三語可謂達于事理
高歡惟以衆寡論強弱不
復知順逆大經者由其素
志願與爾朱相似故自生
猶豫耳

不進。仲遠等屢使人往諭兆。兆執之。仲遠等懼。引兵南

遁。歡遂進戰。大破兆軍。先是歡欲與兆戰而畏其衆彊以問段韶韶曰所謂衆者得衆

人之死所謂彊者得天下之心爾朱氏上弑天子中屠

公卿下暴百姓王以順討逆如湯沃雪何衆彊之有歡

日恐無天命不能濟耳韶曰爾朱暴亂人心已去矣天

意安有不從者哉已而歡果破兆遂進攻鄴

孝先榮之子。

梁遣歸魏。

魏南兖州

魏置治譙城譙城注見前

人執刺史劉世明

字伯楚芳族子

以降于

魏南兖州民劫刺史舉州降梁梁以世明爲征西大將

軍不受固請北歸比至洛陽奉送所持節歸鄉里不仕

而卒。

三梁中大通四年魏普泰二年中春正月梁封西豐侯正
于興二年孝武帝修永熙元年

德為臨賀王

正德自結于朱异。异言正德失職。故王之。

魏高歡克相州。

以楊愔

字遵彥。津之子。

為行臺右丞。

初。魏敬宗之誅爾朱榮也。楊侃預其謀。及爾朱兆入洛。

侃逃歸華陰。爾朱天光誘而殺之。爾朱世隆復誣奏楊

氏謀反。盡滅其族。

楊氏家世孝友。總服同爨。男女百口。人無間言。及是。族無少長皆被殺。

唯津子愔適出在外。獲免。往見高歡。泣訴家禍。因為言

討爾朱氏之策。歡甚重之。以為行臺郎中。至是。歡攻克

相州。

刺史劉誕嬰城固守。歡為地道。施柱而焚之。城陷入地。遂拔之。

以愔為行臺右丞。

時軍國多事。文檄教令。皆出于愔。及諮議參軍崔陵。

字長

孺。逞之五世孫。

智起舉効不曉能子其識
競法如邵陵不復知有君
父而武帝暫免旋復溺愛
失義厥後臺城既陷搆禍
相尋其罔上恣行所謂由
來漸矣

二月梁邵陵王綸

字世調梁主第六子

有罪免為庶人既而復之

綸為揚州刺史市物不給其直市皆閉邸少府丞何智

通啓聞綸被責還第遣人刺殺智通事覺免為庶人鎖

之三旬既而復之

三月魏主朗入居于鄴高歡自為太師

劉友益曰書魏主成朗之為君也成

朗之為君將以正罪歡也

閏月魏爾朱天光等會兵攻鄴高歡擊破之

爾朱世隆卑辭諭兆使之赴洛又請魏主恭納其女為

后兆乃悅并與天光度律復相親睦將軍斛斯椿

斛斯代北

復姓椿字法壽

欲圖爾朱氏因說世隆追天光等共討

高歡

椿陰謂賀拔勝曰天下忽毒爾朱而吾等為之用亡無日矣不如圖之勝曰天光與兆各據一方上

之不盡。必為後患。奈何。椿曰。此易致耳。乃見世隆。以其討高歡說之。于是天光自長安。兆

自并州。度律自洛陽。仲遠自東郡。皆會于鄴。眾號二十

萬。夾洹水。

注見前。

而軍。高歡出頓紫陌。

在今彰德府臨漳縣西。水經注。石趙

建武中。造紫陌浮橋于漳水上。即此。

高敖曹以其部曲從。

敖曹所將皆漢兵。歡恐不足集

事。欲割鮮卑千人雜之。敖曹曰。所將練習已久。前後格

鬪。不減鮮卑。今若雜之。情不相洽。勝則爭功。退則推罪。不願更時。歡馬不滿二千。步兵不滿三萬。乃于韓陵。

山名。

在彰德府安陽縣東北。

為圓陣。連牛驢塞歸道。以示必死。兆望見

歡。責以叛已。歡曰。本所以戮力者。共輔帝室。今天子何

在。兆曰。永安枉殺天柱。我報讐耳。歡曰。以君殺臣。何報

之有。今日義絕矣。遂戰。

歡將中軍。敖曹將左。歡弟岳將右。歡戰不利。兆等乘之。岳以五

百騎衝其前。別將斛律敦收散卒躡其後。敖

曹以千騎橫擊之。高岳字洪略。歡從父弟。

兆等大敗。

賀拔勝于陣降歡。兆對慕容紹宗撫膺曰。不用公言。以至于此。遂還晉陽。仲遠奔東郡。度律天光走洛陽。

夏四月。魏將軍斛斯椿執爾朱天光度律送鄴。世隆伏誅。仲遠奔梁。

斛斯椿謂賈顯度。顯智曰。不先執爾朱氏。吾屬死無類矣。于是入據河橋。盡殺爾朱氏之黨。度律天光出走。擒

之。送高歡。又使顯智襲執世隆。斬之。魏主恭使中書舍

人盧辯

字景宣同之兄子

勞歡。歡使見魏主。朗辯抗辭不從。歡

不能奪。侯景降于鄴。仲遠奔梁。

仲遠兄也。伯與世隆同。皆俱斬。世隆弟弼為其

帳下。馮紹隆所殺。天光弟顯壽鎮長安。蒲州刺史賀拔岳襲殺之。天光度律高歡自鄴。送于洛陽。斬首都。市。仲

遠後死。

于江南。

高歡入洛陽廢其主恭及朗而立平陽王修廣平王懷之子是為孝武帝自為大丞相

魏主朗至邙山高歡以為疎遠使魏蘭根觀魏主恭之

為人欲復奉之蘭恨以恭神采高明恐後難制勸歡廢

之歡集百官問所宜立莫有應者太僕綦儁魏西其

綦氏儁字擲顯本代人後居洛陽考通鑑綦作綦母今依魏書北史稱恭賢明宜王社

稷歡將從之崔陵作色曰廣陵既為逆胡所立何得為

天子若從儁言王師何名義舉歡遂幽恭于崇訓寺歡

洛陽斛斯椿謂賀拔勝曰今天下事在吾與君耳若不

先制人將為人所制高歡初至圖之不難勝曰人有功

而害之不時諸王多逃匿平陽王修匿于田舍歡欲立

之使斛斯椿求之椿從修所親王思政

太原人

見修修曰

賣我耶。思政曰：不也。曰：敢保之乎？曰：變態百端，何可保

也。椿馳報歡，歡乃迎修，為朗作詔策而禪位焉。修即位，用代都

舊制以黑氍蒙七人，歡居其一。修以歡為大丞相，天柱

大將軍，歡以司馬子如為行臺尚書，參知軍國。歡欲徵

為冀州刺史，岳欲入朝，行臺右丞薛孝通曰：歡方內撫羣雄，外抗勁敵，安能去其巢穴？與公爭關中之地乎？公

以華山為城，黃河為塹，進可以兼山東，退可以封函五月，魏封其故主朗為安定王。

魏主修弒其故主恭。後西魏追諡為節閔。

恭有德望，魏主仇之于門下外省，葬用殊禮。

秋七月，魏高歡討爾朱兆，走之，遂據晉陽。

高歡擊爾朱兆軍于武鄉。注見前。兆大掠晉陽，北走秀容。

爾朱道惡實盈不可更僕數，魏收所謂谿壑羣狐貪人敗類，正未足盡其罪狀。李延壽謂收得爾朱氏金

但傳事雖莫須有然半
古阿其所好而為之抑揚
其辭者正復不少

歎之跋扈已有形迹然魏
之君臣未能計操刀之割
而機事不密早釀釁端此
與明建文定策方黃皆所
云既不能令又不受命者

并州平歡以晉陽四塞乃建大丞相府而居之兆至秀容分守

險隘歡揚聲討之師出復止者數四兆意怠明年正月
歡乘其歲首宴會遣寶泰以精騎馳之一日一夜行三
百里歡以大軍繼之兆驚走泰追破之

冬十一月魏主修弒安定王朗東海王暉十二月復殺汝

南王悅

先是高歡既誅爾朱氏以高祖不可無後召汝南王悅
于梁至將立之宿昔而止魏主以悅為大司馬至是魏主以悅屬

近地尊遂殺之

癸梁中大通五年春正月魏以賀拔勝為荊州刺史

魏侍中斛斯椿與南陽王寶炬京兆王愉之子將軍元

毗字休弼常山王遵之元孫王思政密勸魏主圖高歡增置都督部

也

曲各數百員。以關中大行臺賀拔岳擁重兵密與相結。

出其弟勝爲荊州刺史。欲以敵歡。歡不悅。

初。侍中司空高乾遭父喪。

解侍中。魏主旣貳于歡。冀乾爲己用。常與共立盟約。乾不之知。對曰。臣以身許國。何敢有貳。及是。乾謂所親曰。上不親勲賢而招集羣小。數遣人往來關中。又令賀拔兄弟相近。禍難將作。必及于我。乃密啟歡。歡召乾詣并州。乾因勸歡受魏禪。歡掩其口曰。勿妄言。遂屢表乾。使復爲侍中。魏主不許。乾知變將起。求爲徐州。從之。

二月。阿至羅

高車別種。

復附于魏。

魏正光以前。阿至羅嘗稱藩內附。自中原多事。遂叛。高歡遣使招納。阿至羅復降。先是。魏主詔以寇賊平。罷行臺。至是以殊俗歸降。復授歡大行臺。隨機處分。歡賚之粟帛。議者以爲徒費無益。歡不從。及經略河西。大收其用。

部人殺其長吏天下凡當
共誅豈可以鄰國而乖公
惡或因其納地歸降從而
撫綏足矣卽以其官官之
獎惡賞亂不可爲訓

魏徐州刺史高乾伏誅大都督高敖曹奔晉陽

乾將之徐州魏主聞其泄漏機事乃詔歡曰乾邕與朕

有盟今乃反覆歡聞亦惡之取乾前後啟論時事者封

上魏主召乾責之遂賜死弟敖曹及仲密名慎以字行俱奔

晉陽魏主所賜乾死復遣東徐州刺史潘紹業密敕長樂太守龐蒼鷹令殺敖曹敖曹先聞其兄死伏壯

士執紹業于路得敕書于袍領遂奔晉陽歡抱其首哭

曰天子枉害司空遽使以白虎幡勞其家屬時乾次弟

仲密在光州聞難將奔梁其屬曰公家勲重必不弟兄

相及乃敝衣推鹿車亦奔于歡自是魏主與歡遂有隙

夏四月魏青州人耿翔殺其刺史降梁梁以翔爲刺史

五月魏下邳叛降于梁

秋八月魏以賀拔岳爲雍州刺史

初賀拔岳遣行臺郎馮景字長明河間武垣人詣晉陽高歡與景

歆盟約與岳爲兄弟。景還言于岳曰。高歡奸詐有餘。不可信也。府司馬宇文泰請使晉陽。以觀歡之爲人。泰返。

謂岳曰。歡所以未篡者。正憚公兄弟耳。侯莫陳悅之徒。

非所忌也。公但潛爲之備。圖歡不難。今費也頭。代北別部。後遂

爲。控弦之騎。不下一萬。夏州刺史斛拔彌俄突。斛拔氏。代北複

姓。勝兵三千餘。靈州刺史曹泥。河西流民紇豆陵伊利。

魏南方諸姓。有紇豆陵氏。各擁部衆。未有所屬。若移軍近隴。扼其要。

害。震之以威。懷之以惠。收其士馬。以資吾衆。西輯氏羌。

北撫沙塞。還軍長安。匡輔魏室。此桓文之功也。岳大悅。

復遣詣洛陽請事。密陳其狀。魏主喜。以岳爲都督二十

州軍事。雍州刺史。時彌俄突來降。岳以夏州邊地要重。欲求良刺史。衆舉宇文泰。岳曰。左丞

吾左右手。何可廢也。沉吟累日。卒表用之。伊利及費也。頭。万俟受洛干。鐵勒斛律沙門等。皆附于岳。惟曹泥附。

冬十二月。魏人侵梁雍州。

魏荊州刺史賀拔勝。侵梁雍州。拔下迮戍。在襄陽縣西。扇動

諸蠻。梁刺史廬陵王續。字世訢。梁主第五子。屢為所敗。漢南震駭。

城邑多陷。于是沔北盡為邱墟。

甲梁中大通六年。魏永熙三年。東魏孝靜帝春正月。魏高

寅善見天平元年。是歲。魏分為二。凡三國。歡攻紇豆陵伊利。執之。

高歡使侯景招紇豆陵伊利。伊利不從。擊之于河西。擒之。遷其部落于河東。魏主讓之曰。伊利不侵不叛。為國純臣。王忽伐之。豈有一介行人先請之乎。

魏秦州刺史侯莫陳悅殺賀拔岳。魏以宇文泰統岳軍討悅誅之。遂以泰爲關西大都督。

初高歡患賀拔岳。侯莫陳悅之彊。右丞翟嵩曰。嵩能間之。使其自相屠滅。歡遣嵩如關中。會賀拔岳將討曹泥。

使都督趙貴字元寶。天水南安人。至夏州。與宇文泰謀之。泰曰。曹

泥孤城阻遠。未足憂。侯莫陳悅貪而無信。宜先圖之。不

聽。至是。岳召悅會于高平。與共討泥。悅既得翟嵩之言。

乃謀取岳。與岳宴語。誘而斬之。還屯水洛城。在今平涼府莊浪縣

東岳衆散走平涼。未有所屬。趙貴曰。今宇文夏州英畧

冠世。遠近歸心。若迎而奉之。大事濟矣。都督杜朔周盛樂

人。本姓赫連。其曾祖因避難。改姓杜。請輕騎告哀。且迎

氏。後宇文泰命復其舊姓。名之曰達。

之遂馳至夏州。泰與將佐議去留。前大中大夫韓褒字宏

業。潁川人。曰。此天授也。又何疑乎。衆欲暫留以觀變。泰曰。悅

既害元帥。自應乘勢直據平涼。而退屯水洛。吾知其無

能爲也。若不早赴。衆心將離。因與諸將共盟討悅。輕騎

赴平涼。既至。哭岳哀慟。將士悲喜。

先是高歡使侯景招撫岳衆。泰至安定。遇

之。謂曰。賀拔公雖死。宇文泰尚存。卿何爲者。景失色曰。我猶箭耳。惟人所射。遂還。及泰至平涼。歡復使景與張

華原。王基。勞泰。泰不受。欲劫留之。華原不屈。乃遣之。基還言。泰雄傑。請及其未定。擊滅之。歡曰。卿不見賀拔岳

侯莫陳悅乎。吾當以計拱手取之。

魏主遣元毗慰勞張華原。字國滿。代郡人。王基。太安人。

岳軍。召還洛陽。并召侯莫陳悅。悅附高歡。不肯應召。泰

因毗上表言岳忽罹非命。都督寇洛

上谷昌平人。等。令臣權

掌軍事。今高歡之衆已至河東。侯莫陳悅猶在水洛。士

卒多西人。顧戀鄉邑，乞少停緩。徐就東引，魏主乃以泰

爲大都督，卽統岳軍。

岳之死也。都督李虎奔荊州，說賀拔勝使收岳衆，勝不從而還，爲歡

別將所獲，送洛陽。

魏主方謀取關中，得虎甚喜，拜衛將軍，使就泰。

李虎，西涼王歆之元孫，唐高祖之祖。

泰

與悅書曰：「君黨附國賊，共危社稷。吾已發兵爲賀拔公

報讐，指日相見。」泰引兵上隴，軍令嚴肅，秋毫無犯。百姓

大悅，水洛降。悅退保上邽，召南秦州刺史李弼。

字景和，隴西成

紀人。與之拒泰，弼舉城降。悅兵潰，縊死。泰入上邽，散府庫

以賞士卒，左右竊一銀甕以歸。泰知而罪之，剖賜將士。

初，魏之亂也，故氏王楊紹先逃歸武興，復稱王。氏羌吐谷渾所在蜂起，泰令李弼鎮原州，拔也惡氐鎮南秦州。

可朱渾元鎮渭州，趙貴行秦州事，徵幽、涇、東秦、岐之粟給軍。紹先懼，遂稱藩送質，長史于謹言于泰曰：「明公據

關中險固，將士驍勇，土地膏腴。今天子在洛，迫于羣凶，若陳公懇誠，請都關右，挾天子以令諸侯，奉王命以討

暴亂。此桓文之業。千載一時也。泰善之。拔也。代北高

歡復遣使甘言厚幣以結泰。泰不受。封其書以聞。魏主

命泰引軍而東。泰使雍州刺史梁禦字善通。安定人。入據長安。

魏主以泰為關西大都督。略陽縣公。承制封拜。

夏四月。癸丑朔。日食。

六月。魏高歡舉兵反。秋七月。魏主修奔長安。歡入洛陽。推

清河王亶懌之子。承制決事。魏主以宇文泰為大將軍。尚書

令。

侍中封隆之言于高歡曰。斛斯椿等必構禍亂。孫騰泄

其言。椿白魏主。隆之及騰皆逃。就歡。華山王鷲字孔雀。高涼王

孤六世孫。在徐州。歡使大都督邸珍字安寶。中山人。奪其管鑰。

建州

魏置今山西澤州府是

刺史韓賢

字普賢廣寧石門人

濟州刺史蔡儁

廣寧石門人

歡黨也。魏主皆罷之。又增置勲府庶子騎官各

數百人。欲伐晉陽。下詔戒嚴。云欲伐梁。發河南兵詣洛

陽。

魏主密詔歡曰。宇文黑獺賀拔勝有異志。故假南征。潛為之備。王宜近為形援。歡表曰。臣今潛勒兵馬三

萬。自河東渡。又遣庫狄干等。自來達津渡。婁昭等討荆

州。尉景等討江左。皆勒所部。伏聽處分。魏主知歡覺其

變。乃止歡軍。歡亦表云。臣為嬖佞所間。一旦受疑。陛下

若重信赤心。願賜斟量。亟令廢出。魏主以源子恭守陽

胡。汝陽王暹守石濟。又以賈顯智為濟州刺史。蔡儁不

受代。魏主愈怒。乃為敕賜歡曰。聞庫狄干語。王云。本欲

取懦弱者為主。無庸立此長君。使其不可駕馭。今但作

十五。曰行。自可廢之。此論自是王問勲人。豈出佞臣之

口。降之。孫騰逃去不罪。王若盡誠。何不斬送。啟云。西去

而四道俱進。南渡洛陽。東臨江左。聞者寧能不疑。王若

舉旗南指。縱無匹馬隻輪。猶欲奮拳而爭死。假令還為

王殺。國辱豈粉了無遺憾。來達津胡三省注。在平城

之西。自此渡河至夏州。陽胡。即陽壺城。在今山西。王

思絳州垣曲縣地近河。崤谷之北岸也。石濟。注見前。

政言于魏主曰。高歡之心。昭然可知。洛陽非用武之地。

宇文泰乃心王室。今往就之。還復舊京。何慮不克。魏主

深然之。遣侍郎柳慶字更興。河東解人。見泰于高平。泰請奉迎

輿駕。魏主復私謂慶曰。朕欲向荊州何如。慶曰。關中形

勝。宇文泰才略可依。荊州地非要害。南逼梁寇。臣愚未

見其可。計。時東郡太守裴俠。帥兵詣洛。思政問以。西巡之

投之。恐無異避湯入火也。思政曰。然則何如而可。俠曰。圖歡。有立至之憂。西巡有將來之禍。且至關右。徐思其

宜耳。思政然之。乃進俠于魏主。授左中郎將。裴俠。字嵩和。河東解人。初。歡欲遷都于鄴。

魏主不可。至是復謀遷都。遣騎屯建興。魏郡。後改曰高都。故城在今山

西澤州府鳳臺縣。益河東。及濟州兵。擁諸州和糴粟。悉入鄴。魏

主又以敕喻歡。令歸兵罷戍。送相州之粟。使蔡雋受代。

邸珍出徐歡不奉詔魏主以廣寧太守任祥

字延敬。廣寧人。兼

僕射。祥棄官走渡河。據郡待歡。魏主乃下制書。數歡罪

惡。以宇文泰爲關西大行臺。令遣騎奉迎。歡遂勒兵南

出。以誅斛斯椿爲名。以高敖曹爲前鋒。宇文泰亦移檄

州郡。數歡罪惡。自將大軍發高平。前軍屯恒農。七月。魏

主親勒兵十餘萬。屯河橋。以斛斯椿爲前驅。陳于邙山

之北。椿請帥精騎二千夜渡河。掩其勞弊。魏主然之。侍

郎楊寬

字蒙仁。華陰人。

曰。假兵于人。恐生他變。椿若有功。是滅

一高歡。生一高歡矣。魏主敕椿。停行。椿歎曰。頃熒惑入

南斗。今上信左右間搆。不用吾計。豈天道乎。宇文泰聞

之。謂左右曰。高歡數日行八九百里。此兵家所忌。當乘

便擊之。而主上以萬乘之重。不能渡河決戰。方緣津據
守。且長河萬里。扞禦爲難。若一處得渡。大事去矣。卽以
趙貴自蒲坂濟。趣并州。遣李賢字賢和。隴西成紀人。將精騎一千
赴洛陽。魏主使斛斯椿與潁川王斌之字子爽。安樂王鑒之弟。鎮
虎牢。賈顯智鎮滑臺。顯智降于歡。歡引軍渡河。斌之與
椿爭權。還給魏主云。歡兵已至。魏主卽召椿還。與南陽
王寶炬。清河王亶。廣陽王湛深之子。以五千騎宿于瀍西。
衆知魏主將西。亡者過半。亶湛亦逃歸。將軍獨孤信魏諸部內入諸姓。有獨孤氏。信雲中人。單騎追魏主。魏主歎曰。將軍辭父母。
捐妻子而來。世亂識忠臣。豈虛言也。明日奔長安。歡遂
入洛陽。遣婁昭。高敖曹。輕騎追魏主。不及。魏主糗糲乏絕。惟飲澗水。

至稠桑都督毛鴻賓迎獻酒食始解飢渴。稠桑驛名在今陝州靈寶縣西即春秋桑田也毛鴻賓北地三原人。歡集百官責以處不諫諍出不陪從之罪殺僕射辛

雄以下數人推清河王亶為大司馬承制決事宇文泰使趙貴梁禦帥甲騎奉迎魏主循河西上謂禦等曰此水東流而朕西上若得復見洛陽親謁陵廟卿等功也

魏主及左右皆流涕泰備儀衛迎魏主謁見于東陽驛

在今西安府渭南縣東以近東陽谷故名。魏主遂入長安以泰為大將軍雍

州刺史兼尚書令軍國之政咸取決焉別置二尚書分

掌機事以毛遐。字鴻遠鴻賓兄。周惠達。字懷文章武文安人。為之時軍國

草創二人積糧儲治器械簡士馬魏朝賴之。先是熒惑入南斗去

而復還留止六旬梁主以彭云熒惑入南斗天子下殿走乃跣足下殿以讓之及聞魏主西奔慚曰彼亦應天

齊景行善政而躡遷宋公
應德言而舍徙彼侯國尚

能以修省感機祥別梁主
固儼然南朝主乎顧乃跣
足下殿如術士厭禳醜態
且聞魏奔而謾語解嘲陋
已甚矣

象耶

魏高歡屯華陰使侯景取荊州賀拔勝奔梁

高歡自追迎魏主至恒農遂攻潼關克之進屯華陰賀

拔勝帥所部西赴關中至浙陽

魏郡隋改曰內鄉今聞為縣屬河南南陽府

歡已屯華陰遂還

先是魏主將發洛陽召勝赴行在所勝以問掾盧柔柔曰高歡悖逆公席

卷赴都與決勝負死生以之上策也北阻魯陽南并舊楚東連兗豫西引關中中策也舉三荆之地庇身于梁

功名皆去下策也勝笑而不應及是勝將還行臺左丞崔士謙曰今帝室顛覆主上蒙塵公宜倍道兼行朝于

行在然後與宇文行臺同心戮力唱舉大義天下孰不望風響應今捨此而退恐人人解體一失事機後悔何

及勝不能用盧柔字子剛范陽涿人崔士謙安平人辯之孫三荆魏置荊州于棧注見前又置南荊州于安

昌今汝寧府碓山縣是又置東荊州于北陽今南陽府泌陽縣是馮智舒以三荆為三楚非是歡自發

晉陽及至華陰凡四十啟魏主皆不報乃東還遣侯景

向荊州遇勝景逆擊之勝敗奔梁

冬十月魏高歡立清河世子善見於洛陽

是為東魏孝靜帝

歡還洛陽又遣僧道榮奉表于魏主魏主亦不答歡乃

集百寮沙門耆老議所推立時清河王亶出入已稱警

蹕歡醜之謂亶曰欲立王不如立王之子亶不自安南

走歡追還之善見即位

時年十一

魏於是始分為二

考魏自孝武西

奔于是有東魏西魏之稱綱目于在西者提綱仍書魏

以魏統相承也惟高歡所立乃加東字以別今依之

魏以宇文泰為大丞相

泰攻潼關斬高歡守將薛瑜還長安進位大丞相

十一月東魏遷于鄴

高歡以魏主

孝武帝

既西恐逼崤陝洛陽復在河外接近

梁境如向晉陽。形勢不能相接。乃議遷鄴。書下三日。車駕便發。戶四十萬。狼狽就道。歡留洛陽。部分事畢。還晉陽。以僕射司馬子如。高隆之。侍中高岳。孫騰留鄴。共知朝政。改相州刺史為司州牧。魏郡太守為魏尹。時童謠云。可憐青雀子。飛去鄴城裏。羽翮垂欲成。化作鸚鵡子。好事者竊言。雀謂魏主清河王。鸚鵡謂歡也。

閏十二月。魏宇文泰進毒弑其君修。

魏主閨門無禮。從妹不嫁者三人。平原公主明月。南陽王寶炬同產也。從入關。宇文泰使人殺之。魏主不悅。遂與泰有隙。閏十二月。魏主在逍遙園。宴阿至羅使。夜還。飲酒遇酖而殂。殯於佛寺。諡曰孝武。十年乃葬。諫議大夫宋球。慟哭嘔血。漿粒不入口者數日。泰以其名儒。不之罪也。

魏都督獨孤信克荊州。東魏人襲之。信奔梁。

東魏既取荊州。魏以獨孤信爲刺史。招懷之。東魏遣恒農太守田八能拒信于淝陽。又遣都督張齊民出信後。信謂其衆曰。今士卒不滿千人。首尾受敵。若還擊齊民。士民謂我退走。必來邀我。不如進擊八能。破之。齊民自潰矣。遂擊破八能。乘勝襲穰城。東魏刺史辛纂出戰。大敗。還趣城。門未及闔。信前驅武川楊忠。本華陰人。家于武川。隋文帝之父叱門者曰。大軍已至。爾等求生。何不避走。門者皆散。忠帥衆入城。斬纂以徇。城中懾服。信分兵定三荊。居半歲。東魏高敖曹。侯景將兵奄至城下。信兵少不敵。與楊忠皆奔梁。

乙梁人同元年。魏文帝寶炬。春正月朔。魏宇文泰立南陽

上寶炬。是為文帝。

魏宇文泰與羣臣議所立。多舉廣平王贊。孝武帝。濮陽

王順。常山王素之孫。垂涕謂泰曰。高歡逼逐先帝。立幼主以專

權。明公宜反其所為。廣平幼冲。不如立長君而奉之。泰

乃立南陽王寶炬。即位于城西。大赦改元。

魏宇文泰自為都督中外諸軍事。封安定公。

魏以泰為都督中外諸軍。錄尚書事。大行臺。封安定王。

泰固讓王爵。及錄尚書。魏主許之。乃改封安定公。

魏立后乙弗氏。其先吐谷渾渠帥。歸魏為洛陽人。

后仁恕節儉。不妬忌。魏主重之。

東魏高歡擊稽胡

即步落稽注見前

斬劉蠡升

初魏孝昌中稽胡劉蠡升自稱天子居雲陽谷

在今朔平府左

雲縣明于此置雲陽堡

邊境歲被其寇謂之胡荒至是歡襲擊大

破之其北部王斬蠡升首以降

東魏高歡自爲相國假黃鉞加殊禮復辭不受

擬作新制二十四條

魏宇文泰以軍旅未息吏民勞弊命所司斟酌古今可以便時適治者爲二十四條新制奏行之

魏宇文泰以蘇綽

字令綽武功人

爲行臺左丞

綽先爲行臺郎中宇文泰未深知之然諸曹疑事皆詢于綽而後定臺中咸稱其能已而泰與僕射周惠達論

事。惠達不能對。請出議之以告綽。綽爲之區處。惠達入
白之。泰稱善。曰。誰與卿爲此議者。惠達以綽對。且稱綽
有王佐才。乃擢綽爲著作郎。會泰與公卿如昆明池。觀
漁。行至漢故倉池。在西安府長安故城內。水經注。池在未央宮西。顧問左右。莫
有知者。召綽問之。具以狀對。泰悅。因問天地造化之始。
歷代興亡之迹。綽應對如流。泰與並馬而還。留至夜。問
以政事。臥而聽之。綽指陳爲治之要。泰起。整衣危坐。不
覺膝之前席。語達曙不厭。詰朝。謂惠達曰。蘇綽真奇士。
吾方任之以政。卽拜大行臺左丞。參典機密。自是寵遇
日隆。綽始制文案程式。朱出墨入。及計帳。課役之戶籍
之籍。戶口之法。後人多遵用之。

夏五月魏宇文泰自加柱國。

初魏敬宗始置柱國大將軍以寵爾朱榮位在丞相上。

榮敗後此官遂廢至是泰復爲之。

自大統十六年以前加柱國者泰及李處

元欣李弼獨孤信趙貴于謹侯莫陳崇凡八人時稱八柱國家元欣字慶樂廣陵王羽之子大統中紹封侯

莫陳崇字尚樂武川人

魏閭內都督趙剛

字僧慶洛陽人

以東荊州歸于魏。

先是趙剛以東荊州兵西赴關中。

魏孝武帝之在洛陽也剛奉密敕召東荊

州刺史馮景昭入援兵未及發而孝武入關景昭集文武議所從司馬馮道和請待北方處分剛抽刀投地謂

景昭曰公若欲爲忠臣請斬道和如欲從賊可速見殺景昭感悟遂帥衆而西會高歡遣侯景

向荊州州民楊祖歡起兵應景邀剛于路刺史馮景昭

戰敗剛沒蠻中至是剛自蠻中往見東魏荊州刺史

李愬。趙郡人。勸令附魏。愬從之。剛由是得至長安。宇文泰

以爲光祿大夫。剛說泰召賀拔勝。獨孤信等于梁。泰使

剛往請之。勝與信等在梁。梁主待之甚厚。剛再至。魏興

勝等還魏。勝懷梁主恩。見鳥獸南向者。皆不射之。

信與楊忠至長安。宇文泰愛忠之勇。留置帳下。

冬十一月。梁侍中徐勉卒。勉雖骨鯁不及范雲。亦不阿意苟合。故梁世言賢相者

稱范徐云。

東魏封高洋。歡次子。卽北齊文宣帝。爲太原公。

洋內明決而外如不慧。衆皆嗤鄙之。獨歡異之。謂長史

薛琠。字曇珍。代人。曰。此兒識慮過吾。洋幼時。歡嘗欲觀諸子

抽刀斬之。曰。亂者當斬。又各配兵四出。使人帥甲騎。僞

攻之。兄澄等皆怖撓。洋獨勒衆與格。攻者免胄言情。猶

獨斬亂絲。眞得不治之治。
較改。茲更張語。更明快其
識慮。誠有過人處。

擒以獻

丙辰二年。東魏。天平三年。魏大統二年。春正月。東魏高歡襲魏夏州。注見前。

取之。魏靈涼州。靈州。魏孝昌中置。今屬甘肅寧夏府。涼州。注見前。亦叛附於歡。

高歡帥庫狄干等萬騎襲魏夏州。身不火食。四日而至。

縛稍為梯。夜入其城。禽其刺史斛拔俄彌突。因而用之。

留都督張瓊。字德連。代人。將兵鎮守。遷其部落以歸。魏靈州

刺史曹泥。與其壻涼州刺史劉豐。字豐生。晉樂人。復叛降東魏。

魏人圍之。水灌其城。不沒者四尺。歡命阿至羅發騎三

萬。徑度靈州。繞出魏師之後。魏師退。歡迎泥及豐。拔其

遺戶五千以歸。

二月。東魏高歡遣其世子澄入鄴輔政。東魏以為尚書令。

京畿大都督。

東魏渤海世子澄年十五入鄴輔政。用法嚴峻，事無疑

滯。中外震肅，引崔暹為左丞，親任之。初，澄通于歡妾，一婢告之，歡杖澄而

幽之。婁妃亦隔絕不得見。歡納魏敬宗之后爾朱氏，有龍生子，欲立之。澄求救于司馬子如。子如入見，偽為

不知者，請見婁妃。歡告其故。子如曰：「她是王結髮婦，王在懷朔被杖，背無完皮。她晝夜供侍，同走并州，然馬矢

自作靴，恩義何可忘也。且婁領軍之勲，何宜搖動？」一女子如草芥，况婢言不足信邪？」歡因使子如更鞠之。子如

盡反其辭。乃啟歡曰：「果虛言也。歡大悅。」父子夫婦復如初。

東魏高歡以陳元康字長猷，廣宗人。為功曹。

高季式薦元康于高歡曰：「是能夜中闇書。」謂能闇中書字。快吏

也。歡召之，一見即授功曹，掌機密。時軍國多務，元康問

無不知。與功曹趙彥深名隱，以字行。南陽宛人。同知機密，而元康

子如論婁妃事，莫附高澄而反其通父妾之罪，則大謬。正理史稱父子夫婦復如初，蓋嘉其善處人，人倫而不知實傷人倫大義矣。

弘景知時不可為自託方
外雖勝夷甫平叔一格然
究其節概不過與唐武攸
緒同背項耳胡寅責其無
一言以省常心故非苛論

性柔謹。歡甚親之。曰。此人。天賜我也。

三月。梁處士陶弘景。

字通明。丹陽秣陵人。卒。

弘景博學。好養生。仕齊為奉朝請。棄官。隱居茅山。

卽句曲山。

在今江寧府句容縣南。漢茅盈與其弟衷。固來此。世號三茅君。因以名山。梁主早與之遊。及

卽位。恩禮甚篤。每得其書。焚香虔受。屢以手敕招之。弘

景不出。國家每有大議。必先諮之。時人謂之山中宰相。

及是卒。諡貞白先生。

弘景將歿。為詩曰。夷甫任散誕。平叔坐論空。豈悟昭陽殿。遂作單于

宮。時士大夫競論元理。不習武事。故弘景詩及之。夷甫。晉王衍字。平叔。晉何晏字。

夏四月。梁以江子四。

濟陽考城人。為右丞。

子四上封事。極言得失。梁主詔曰。古人有言。屋漏在上。

知之在下。朕有過失。不能自覺。子四所言。尚書時加檢。

括速以啟聞。

秋九月。東魏行臺侯景侵梁。梁陳慶之擊破之。冬十二月。東魏及梁平。魏大饑。

人相食。死者什七八。

丁梁大同三年。魏大統已三年。東魏天平四年。春正月。東魏高歡侵魏。魏宇文泰

擊破之。殺其將竇泰。歡別將襲魏洛州。此魏太和中所置之洛州。治上洛。今

陝西商州是。執其刺史泉企。字思道。上洛豐陽人。

初。魏主下詔。數高歡二十罪。歡亦移檄。謂宇文泰斛斯椿為逆徒。至是。歡遣司徒高敖曹攻上洛。大都督竇泰

攻潼關。而自將軍蒲坂。造三浮橋。欲渡河。魏宇文泰出

軍廣陽。

魏縣。屬馮翊郡。故城在今西安府臨潼縣。

謂諸將曰。賊掎吾三面。作

浮橋以示必渡。此欲綴吾軍。使竇泰得西入耳。泰屢勝而驕。襲之必克。克泰則歡不戰自走矣。諸將皆曰。不如分兵禦之。宇文泰曰。賊雖作橋。未能徑渡。不過五日。吾取竇泰必矣。乃聲言欲保隴右。而潛軍東出。竇泰猝聞軍至。渡河。宇文泰擊破之。士衆皆盡。竇泰自殺。先是宇文泰還

長安。問計于族子直事郎中深。深曰。竇泰歡之驍將。今大軍攻蒲坂。則歡拒守而泰救之。吾表裏受敵。此危道也。不如選輕銳潛出小關。竇泰躁急。必來決戰。歡持重。未卽救。我急擊。泰必可擒。泰擒則歡勢自阻。回師擊之。可以決勝。宇文泰曰。是吾心也。遂從之。宇

文深。字奴干。小關在潼關左。今日禁峪口。高歡撤浮

橋而退。敖曹自商山轉戰而進。所向無前。遂攻上洛。郡人泉岳及弟猛略與杜宙等謀翻城應之。洛州刺史泉企知之。殺岳及猛略。宙走歸敖曹。敖曹以爲鄉導而攻

之。企固守旬餘。二子元禮、仲遵力戰。仲遵傷目。城遂陷。企見敖曹曰：「吾力屈，非心服也。」敖曹以杜窋為洛州刺史。欲遂入藍田關。聞竇泰軍沒而還。敖曹以企及元禮曰：「吾餘生無幾，汝曹才器足以立功，勿以吾故遂虧臣節。」元禮逃還，與仲遵陰結豪右，襲窋殺之。魏以元禮世襲洛州刺史。企尋卒于鄴。

夏六月，東魏遣使如梁。

東魏遣散騎常侍李諧字虔和。平之孫。聘于梁。梁主與語，應對

如流。因目送之，謂左右曰：「卿輩常言北間無人物，此等

何自而來邪？」是時南北通好，務以俊乂相誇。銜命接客，

動。宴日，高澄常使左右覲之。一言制勝，為之拊掌。魏使至建康亦然。

秋八月，梁修長干塔。今江寧府城南有大報恩寺，塔高百餘丈，即古長干寺塔也。宋明皆重修。

兩國相持，爭以應對敏捷相誇尚，則所謂俊乂者，率可知矣。幸而地醜德齊，苟延歲月，遇有能為之主，取之如反掌耳。

寺前大道。卽古長干里。

梁主修長干寺阿育王塔。出佛爪髮舍利。

魏書釋老志。釋迦佛既謝。

世。香木焚尸。靈骨分碎。大小如粒。擊之不壞。焚亦不焦。或有光明神驗。謂之舍利。弟子收置寶瓶。募建宮宇。謂爲塔。塔猶言宗廟也。于後有王阿育。以神力分佛舍利于諸鬼神。造八萬四十塔。布于世界。皆同日而就。幸寺設無礙食。大赦。

閏九月。梁以武陵王紀

字世詢。梁主第八子。爲益州刺史。

紀以道遠固辭。梁主曰。天下方亂。唯益州可免。故以處汝。汝其勉之。

東魏高歡侵魏。冬十月。魏宇文泰迎戰渭曲。

渭水之曲。在今陝西同州。

府大荔縣東南。大敗之。

高歡將兵二十萬趣蒲津。

關名。在同州府朝邑縣東。卽古臨晉關也。今日大慶關。

使高敖曹將兵三萬出河南時關中饑魏宇文泰所將

不滿萬人屯恒農五十餘日聞歡將濟河乃引兵入關

敖曹遂圍恒農歡引兵自蒲津濟河涉洛此洛也軍

于許原西先是長史薛瑒言于歡曰西人連年饑饉故

不得出但置兵諸道勿與野戰比及麥秋民自饑死實

此黑獺何憂不降願勿渡河侯景曰今茲舉兵形勢極

大萬一不捷猝難收歛不如分爲二軍相繼而進歡不

從及濟河至馮翊謂魏刺史王羆曰何不降羆大呼曰

此城是王羆塚欲死者來歡知不可攻乃止許原即

商原在大荔縣北水經注洛水南逕商原西俗謂許原

也泰至渭南徵諸州兵皆未會欲進擊歡諸將以衆寡

不敵請待歡更西以觀其勢泰曰歡若至長安人情大

擾今及其新至可擊也即造浮橋于渭令軍士齎三日

糧輕騎渡渭十月至沙苑在今大荔縣東與朝邑縣接

距東魏軍六十里

時諸將皆懼。宇文深獨賀曰。歡懸師渡河。非衆所欲。獨歡耻失寶。泰懷諫。

而來。所謂忿兵。可一戰擒也。願假深一節。發王熙之兵。邀其走路。使無遺類。泰遣員昌公達奚武。覘歡軍。武從三騎。皆效歡將士服。日暮。去營數百步。下馬潛聽。得其軍號。因上馬歷營。若警夜者。有不如法。往往撻之。具知敵之情狀而還。達奚武。字成興。代人。歡聞泰至。引兵會之。李弼謂泰曰。

彼衆我寡。不可平地置陳。此東十里有渭曲。可先據以待之。泰從之。背水東西爲陳。李弼趙貴爲左右拒。命將士皆掩戈于葦中。約聞鼓聲而起。晡時。東魏兵至。望見魏兵少。爭進擊之。無復行列。泰鳴鼓。士皆奮起合戰。李弼等帥鐵騎橫擊之。東魏兵中絕。遂大破之。歡欲收兵更戰。斛律金曰。衆心離散。不可復用。歡乃馳去。夜渡河。喪甲士八萬人。鎧仗十八萬。泰追至河上。還留甲士二

萬餘人餘悉縱歸李穆字顯慶賢之弟曰高歡破膽矣速追之

可獲秦不聽還軍渭南所徵之兵甫至乃于戰所人種

柳一株以旌武功侯景言于歡曰黑獺驟勝而驕必不為備願得精騎二萬徑往取之歡以

告婁妃妃曰設如其言景豈有還理得黑獺而失景何利之有歡乃止高歡曹聞歡敗釋恒農退保洛陽

魏宇文泰伐東魏東魏秦州魏置秦州于河東郡今山西蒲州府是降泰遂

略定汾絳二州名汾東魏之南汾州治定陽今山西絳州是

進取洛陽豫州此魏之北豫州治虎牢今開封府汜水縣是潁梁廣陽等州魏

州治潁陰今河南許州是梁州治大梁今河南開封府是廣州治魯陽今汝州魯山縣是陽州治宜陽今河南府宜

陽縣是皆降

魏遣行臺王季海與獨孤信趣洛陽李顯趣二荆賀拔

勝李弼圍蒲坂東魏秦州別駕薛善字仲良汾陰人聰弟子開門

薛肅關納師崇禮之
為歡固守者相去奚啻
壤且知歸順為厚常節
堅辭五等之封在焉世元
為儼

納魏軍刺史薛崇禮善族棄城走追獲之宇文泰進軍

蒲坂略定汾絳先是崇禮固守蒲坂善謂曰高歡有逐

今大軍已臨而猶為歡守一旦城陷送首長安署為逆

賊死有餘愧及今歸欵猶為愈也崇禮猶豫不決善與

族人斬關以納魏師及泰既定汾絳凡薛氏預開城之

謀者皆賜五等爵善曰背逆歸順臣子常節豈容闔門

俱叨封邑與其弟慎固獨孤信至新安漢縣魏置郡今

辭不受薛慎字佛護獨孤信至新安為縣屬河南府

高敖曹引兵北渡河信逼洛陽洛州東魏改司州為洛

刺史廣陽王湛棄城歸鄴信遂據金墉城潁州長史賀

若統魏內入諸姓有舉城降魏梁州滎陽廣州皆降十

一月東魏行臺任祥攻潁川宇文泰使大都督宇文貴

字永貴救之諸將咸以為彼眾我寡不可爭鋒貴曰彼

謂吾兵少必不敢進今進據潁川出其不意破之必矣

遂疾趨據潁川。背城爲陳。以待其至。合戰。大破之。俘其

士卒萬餘人。悉縱之。乘勝追擊。又大敗之。東魏將是云

寶。是云。代北復姓。殺其陽州刺史以降。魏都督韋孝寬。名叔裕。以字行。

京兆杜陵人。攻豫州。拔之。于是東魏河南諸州多入于魏。明年。

二月。東魏遣賀拔仁。侯景復取南汾潁。豫。廣。四州。賀拔仁。字天惠。善無人。

戊辰。梁大同四年。魏大統四年。東魏元象元年。春正月。辛酉朔。日食。

二月。魏廢其后乙弗氏。立柔然女郁久閭氏爲后。

初。柔然頭兵可汗。事魏盡禮。永安以後。不復稱臣。得魏

淳于覃。親寵任事。使典文翰。及是。數爲邊患。魏宇文泰

欲結婚以撫之。言于魏主。以乙弗后爲尼。使扶風王孚

迎頭兵女爲后。頭兵遂留東魏使者。而送后于魏。柔然營幕。

戶席皆東向。孚請正南面。后曰。我未見魏主。固柔然女也。魏仗南面。我自東向。

秋八月。東魏遣兵圍金墉。魏宇文泰救之。斬其將高敖曹。復戰不利。引還。

東魏遣侯景。高敖曹等。圍魏獨孤信于金墉。高歡帥大

軍繼之。魏主與宇文泰俱東。李弼達奚武帥千騎為前

驅至穀城。

漢縣。晉省。故城在今洛陽縣。

侯景等欲整陳以待其至。莫

多婁貸文。

莫多婁代北三字姓。貸文太安狄那人。

請擊之。進遇李弼。敗死。

泰進軍灑東。景等夜解圍去。泰帥輕騎追至河上。景為

陳。北據河橋。南屬邙山。與泰合戰。

泰馬驚逸。墮地。東魏兵追及之。左右皆散。

李穆以策扶泰。罵曰。籠東軍士。爾主何在。而獨留此。追者不疑。捨之。穆因以馬授泰。與俱逸。魏軍復振。籠東

摧敗披靡之貌。泰擊東魏兵。大破之。高敖曹意輕泰。建見楊倕荀子。見。泰擊東魏兵。大破之。高敖曹意輕泰。建

旗蓋以陵陳。魏人盡銳攻之。一軍皆沒。敖曹單騎走投。

河陽南城。守將高永樂。歡從祖兄子。與敖曹有怨。閉門不納。

追者斬之。高歡聞之。如喪肝膽。然是日置陳既大。首尾

懸遠。從旦至未。戰數十合。氛霧四塞。莫能相知。魏諸軍

戰不利。燒營而歸。留儀同三司長孫子彥。本名儁。雅之子。守金

墉。王思政舉稍陷陳。被創悶絕。思政每戰常著破衣弊甲。敵不知其將帥。故得免。將軍蔡祐下馬。帥左右十

餘人。擊東魏兵。殺傷甚衆。求魏人圍之。祐彎弓持滿。四面拒之。東魏人募厚甲長刀者。直進取之。去祐三十步。

左右勸射之。祐曰。吾曹之命。在此一矢。豈可虛發。將至十步。祐乃射之。應弦而倒。東魏兵稍却。祐徐引還。祐每

戰。常爲士卒先。戰還。諸將皆爭功。祐終無所言。泰每歎曰。承先不言勲。我當代其論叙。因以王思政爲東道

行臺。使鎮恒農。蔡祐。高平人。承先其字也。

魏長安亂。宇文泰討平之。

魏之東伐也。關中畱守兵少。前後所虜東魏士卒散在民間。聞魏兵敗。謀作亂。李虎與周惠達等輔魏太子欽。出次渭北。關中大擾。于是沙苑所俘東魏都督趙青雀。雍州民于伏德等遂反。青雀據長安子城。伏德保咸陽。與太守慕容思慶各收降卒。以拒還師。魏主畱止閬鄉。令泰討之。泰引兵西入。長安父老且悲且喜。士女咸相賀。華州刺史宇文導字菩薩。泰兄子。襲咸陽。斬思慶。擒伏德。渡渭與泰會。遂攻青雀破之。

東魏高歡拔金墉。魏師走。范陽人起兵應魏。東魏擊平之。歡自晉陽將騎濟河。遣別將追魏師。至峭不及。自攻金墉。長孫子彥棄城走。歡毀金墉而還。范陽盧仲禮及弟

景裕字仲儒起兵應魏。東魏都督賀拔仁擊仲禮等平

之。景裕本儒生。歡釋之。使教諸子。景裕講論精微。難者或相訊誦。大聲厲色。而景裕神彩儼然。風調如一。從容往復。無際可尋。性清靜。歷官屢有進退。無得失之色。弊衣粗食。恬然自安。終日端嚴。如對賓客。

魏遣是云寶復襲洛陽。趙剛襲廣州。皆拔之。于是自襄

魏襄州治北南陽。今南陽府裕州是。廣以西。城鎮復為魏。

東魏禁擅立寺。

魏自正光以後。四方多事。民避賦役。多為僧尼。至二百

萬人。寺三萬餘區。至是始詔長吏。擅立寺者。計庸用也。

以枉法論。

魏取宜陽。行臺王思政城玉壁。在今山西絳州稷山縣南。後周于此置勳州。隋廢。

徙鎮之。

東魏將段琛

字懷寶代人。

等據宜陽遣牛道恒誘魏邊民韋

孝寬患之乃詐為道恒與孝寬書道歸欵之意使謀遺

之琛營琛果疑之孝寬乘其猜阻襲而禽之崱澠遂清

王思政以玉壁險要請築城自恒農徙鎮之

後高歡侵魏入自汾

絳思政守玉壁以斷其道歡圍之九日遇大雪士卒多死乃解圍去事在魏大統八年。

東魏改停年格

東魏以高澄攝吏部尚書始改崔亮年勞之制銓擢賢

能又沙汰尚書郎妙選人地以充之凡才名之士皆引

致門下與之遊宴

已梁大同五年魏大統未五年東魏興和元年

春正月梁以何敬容

字國禮廣江人為尚

書令

賢勞以馭中尉拔擢以優
賢傳自是古今通議然澄
雖議改停年仍不出妙選
引致而已適足使標榜干
進者得志何異揚湯止沸
邪

自晉宋以來宰相皆以文義自逸。敬容獨勤簿領。日旰不休。為俗所嗤。自徐勉周捨既卒。當權要者。外朝則敬容。內省則朱異。敬容質慤。無文以綱維為己任。異文華。敬治曲。營世譽。善伺主意。為阿諛。用事三十年。廣納貨賂。欺罔視聽。遠近莫不忿疾。園宅玩好。飲膳聲色。窮一時之盛。每休下。車馬填門。惟王承。王稚。及褚翔。不往。王承字安期。儉之孫。稚承弟。褚翔字世舉。淵之曾孫。魏宇文泰置行臺學。

泰于行臺置學。令丞郎府佐旦治公務。晚就講習。

冬十月。魏置紙筆于陽武門以求言。

十一月。東魏行興光歷。

校書郎李業興。上黨長子人。所修也行之。

梁分諸州為五品。

於偏方割據中曰事建州
分君甚至有名無地掩耳
盜鈴自欺欺人孰甚乎此

德主唐不劫金車

卷八十三

三

朱异奏頃來置州稍廣而小大不倫請分為五品其位
秩高卑參僚多少皆以是為差詔從之于是上品二十

州次品十州次品八州次品二十三州下品二十一州

梁主方事征伐恢拓境宇北踰淮汝東距彭城西開牂
牁南平徭洞建置州郡紛綸甚衆其下州皆異國降人
有名無地職貢罕通五品之外又有二十餘州不知處
所凡一百七州又邊境鎮戍雖領民不多欲重其將帥
皆建為郡州郡雖
多而戶口日耗矣

魏制禮樂

魏自西遷以來禮樂散逸弓文泰命僕射周惠達郎中

唐瑾

字附麟北平壽人損益舊章至是稍備

庚申六年東魏興和二年春二月柔然侵魏魏主殺其故后

乙弗氏

柔然舉國南侵。時頗有言以后故興師者。魏主乃賜乙弗后白盡。柔然至夏州而退。未幾郁久間后亦遇疾殂。夏閏五月丁丑朔日食。

冬十一月吐谷渾遣使如東魏。

吐谷渾自莫折之亂。不通于魏。伏連籌卒。子夸呂立。始稱可汗。治伏侯城。在今青海西。隋于此置西海郡。其地東西三千里。南

北千餘里。是歲始遣使假道柔然。聘于東魏。

辛梁大同七年。魏大統字澄鏡。為大西七年。東魏興和三年。秋七月。魏以宇文測字澄鏡。為大

都督行汾州。此汾州。西魏置。治隰州。今山西隰州是。事

測為政簡惠。得士民心。汾州地接東魏。東魏人數來寇抄。測禽獲之。解縛引見。待以客禮。并給糧餼。衛送出境。

東魏人大慙。不復爲寇。

時有告測交通境外者。宇文泰怒曰。測爲我安邊。何得間我骨肉。

命斬之。

九月。魏省官員。置屯田。頒六條。

宇文泰欲革時政。爲強國富民之法。度支尙書蘇綽贊成其事。減官員。置貳長。并置田屯。以資軍國。又爲六條詔書。一清心。二敦教化。三盡地利。四擢賢良。五恤獄訟。六均賦役。泰常置諸坐右。令百司習誦之。非通六條。及計帳者。不得居官。旣而又益新制十二條。

冬十月。東魏頒麟趾格。

東魏詔羣官于麟趾閣議定法制。謂之麟趾格。行之。

東魏大稔。

魏自喪亂以來農商失業六鎮之民就食齊晉東西分
裂連年戰爭公私困竭民多餓死高歡命諸州濱河皆
置倉積穀以供軍旅備饑饉又于傍海煮鹽軍國龜贍
又以諸州調絹不依舊式民甚苦之奏令悉以四十尺
為匹至是東方連歲大稔穀斛至九錢山東之民稍復
蘇息矣。臨淮王孝友言令制百家為族二十五家為閭
百家為比百家之內有帥二十五徵發皆免苦
樂不均後有蠶食為弊久矣京邑諸坊或七八百家唯
一里正二史庶事無闕請每閭止為二比計族省十二
丁資絹番兵所益甚多事下尚書寢不行臨淮王
孝友或之弟資絹謂討貲輸絹番兵謂番代為兵也
王梁大同八年魏大統春正月梁安成注見前妖人作亂三
戌八年東魏興和四年

月江州司馬王僧辯

字君才太

討平之

安成望族劉敬躬以妖術惑眾遂據郡反時南方久不

習兵。人情擾駭。江州刺史湘東王繹。梁主第七子。即梁元帝。遣司

馬王僧辯討斬之。僧辯該博辯捷。器宇肅然。雖射不穿札。而志氣高遠。

秋八月。東魏以侯景為河南大行臺。

冬十二月。梁盧子昇作亂。監西江。即漢牂牁。江。注見前。督護高要。

梁置郡。隋以後仍為縣。今為廣東肇慶府治。太守陳霸先。吳興長城下若里人。即陳高祖。討平

之。陳霸先事始此。

先是。梁交州人李賁反。賁世為交趾豪右。仕不得志。又有并韶者。富于詞藻。請選求官。

尚書蔡搏以并姓無前賢。除廣陽門郎。韶耻之。與賁俱還鄉里。會交州刺史武林侯諮以刻暴失衆心。二人因

連結數州豪傑俱反。蔡搏字景節。鄆之孫。武林侯諮字世恭。鄆陽王恢之子。梁主遣高州。

梁置治新興。今肇屬廣東。刺史孫罔。新州。梁府新興縣是。刺史盧子雄

討之時。春瘴方起。衆潰而歸。武林侯諮奉罔及子雄通

賊逗留。皆賜死。于是子雄弟子畧及杜僧明。字弘照。廣陵臨澤人。

周文育。字景德。義興陽羨人。等舉兵攻廣州。欲殺諮。時諮奔還廣州。監西

江督護。蕭子顯目。廣州統內。西南二江。川源深遠。別置督護。專征討之任。高要太守陳

霸先帥精甲三千救之。大破子畧等。擒僧明。文育。霸先

以二人驍勇。釋之。以為主帥。詔以霸先為直閣將軍。霸先

身長七尺五寸。日角龍顏。垂手過膝。既平盧子畧等。梁主遣畫工圖其容貌而觀之。

癸亥。梁大同九年。魏大統九年。東魏武定元年。春二月。東魏北豫州刺史高仲密。

以虎牢降魏。三月。魏宇文泰帥軍應之。及東魏高歡戰于

邙山。大敗而還。

東魏北豫州刺史高仲密。陰謀外叛。高歡疑之。遣奚壽

興典其軍事。仲密執之。以虎牢降魏。初。仲密為御史中尉。取崔暹之妹。既

沙苑敗而歡不復西行即
山敗而泰亦不復東出分
據之勢遂定于此然視三
國人材則相去遠已

而棄之。由是與暹有隙。選用御史。多其親黨。高澄奏合
改選。件密疑暹構已。愈恨之。仲密後妻李氏。秀而慧。澄
見而悅之。李氏不從。以告仲密。仲密益怨。至是降魏。澄
歡以事由崔暹。將殺之。高澄為之固請。歡乃釋之。

宇文泰帥諸軍應仲密。三月。圍河橋南城。高歡將兵十

萬至河北。泰退軍灤上。縱火船于上流。以燒河橋。斛律

金使張亮

字伯德。西河隰城人。

以小艇百餘。載長鎖。伺火船將至

以釘釘之。引鎖向岸。橋遂獲全。歡渡河。據邙山為陳數

日。泰留輜重夜襲之。歡聞之。正陳以待。黎明泰至。東魏

彭樂

字興安。定人。

以數千騎衝魏軍。所向奔潰。遂馳入魏營

虜泰督將僚佐四十八人。諸軍乘勝擊魏。大破之。斬首

三萬餘級。

歡使彭樂追泰。泰窘。謂樂曰。癡男子。今日無

從其言。獲泰金帶一囊。以歸。言于歡曰。黑獺漏刃破膽
矣。歡怒其失泰。捽其頭連頓之。持刃將下者三。噤斷良

入樂曰。乞五千騎。復為王取之。歡曰。明日復戰。泰為中

軍。與右軍若干惠。

若干。代北復姓。惠字惠保。清河人。

合擊東魏。大破之。

悉俘其步卒。歡走從者七人。追兵至都督尉興慶。

太安狄那人。

拒戰。矢盡而死。東魏降者告泰以歡所在。泰募勇敢

三千人。皆執短兵。配賀拔勝攻之。勝執槊逐歡。槊刃垂

及段韶射勝馬。斃之。歡遂逸去。勝歎曰。今日不執弓矢。

天也。左軍趙貴戰不利。東魏兵復振。泰與戰。又不利。遂

遁入關。屯渭上。歡進至陝。泰使開府儀同三司達奚武

拒之。

初。泰召王思政于玉壁。將使鎮虎牢。未至而敗。乃使守恒農。思政入城。開門解衣而卧。慰勉將士。示

不足畏。高歡使劉豐生將數千騎追泰。至。憚之。引還。思

政乃修城郭。起樓櫓。營農田。積芻粟。由是恒農始有守

禦之備。泰亦廣募關

夏四月東魏復取虎牢

宇文泰遣謀潛入虎牢令守將魏光固守侯景獲之改

其書云宜速去縱謀入城光宵遁景獲高仲密妻子送

鄴北豫洛二州復入于東魏高歡以高乾有義勳高昂

坐仲密妻李氏當死高澄納之

冬十一月東魏築長城于肆州注見前

西自馬陵戍名在今山西忻州靜樂縣北東至土垠寨名在今代州崞縣西北

甲梁大同十年魏大統子十年東魏武定二年春三月東魏以高澄為大將軍領

中書監

高歡多在晉陽委孫騰司馬子如高岳高隆之以朝政
鄴中謂之四貴權勢熏灼專恣驕貪歡欲損奪其權故

敬容既為詹事不能正諫
而有後言已失寡寡之義
而又為妾弟私屬其八佞
足齒哉

以澄領中書監移門下機事總歸中書文武賞罰皆稟

于澄

孫騰見澄不肯盡敬澄叱左右牽下築以刀環立之門下歡謂羣公曰兒子浸長公宜避之于是公

卿以下無不聳懼庫狄干澄姑之婿也自定州來謁立門外三日乃得見澄欲置腹心于東魏主左右擢崔季

舒為中書侍郎崔季舒字叔正挺從子

夏四月梁尚書令何敬容有罪免

敬容復為太子詹事太子頻于元圃自講老莊敬容謂人曰昔晉代喪亂頗由祖尚元虛使中原淪于讎敵今東宮復襲此江南亦將致寇乎至是坐為妾弟書屬領軍免官

秋七月魏更權衡度量頒新制

魏更權衡度量命尚書蘇綽損益三十六條之制頒行

卷之四十三

卷之四十三

之搜簡賢才。為牧守令長。皆依新制而遣焉。數年之間。百姓便之。

東魏以崔暹為中尉。宋遊道為左丞。

魏自正光以後。政刑弛縱。在位多貪污。高歡啟以宋遊道為御史中尉。澄請以崔暹為之。以遊道為尚書左丞。

謂曰。卿一人處南臺。一人處北省。當使天下肅然。暹選畢義

雲等為御史。時稱得人。澄與諸公出之東山。遇暹于道。前驅為赤棒所擊。澄面馬避之。尚書令司馬子如。太師咸陽王坦。貪黷無厭。暹彈之。削其官爵。其餘死黜者甚眾。歡與鄴下諸貴書曰。崔暹居憲臺。咸陽王司馬令。皆吾布衣之舊。同時獲罪。吾不能救。諸君其慎之。遊道奏駁尚書違失數百條。省中豪吏並鞭斥之。高隆之誣遊道有不臣之言。罪當死。黃門侍郎楊愔曰。畜狗求吠。今以數吠殺之。恐將來無復吠狗。遊道竟坐除名。畢義雲。眾敬之。曾孫咸。陽王坦。禧之子。

冬十月東魏括戶均賦

東魏以喪亂之後戶口失實徭賦不均以孫騰高隆之為括戶大使分行諸州得無籍之戶六十餘萬倚居者皆勒還本屬

乙未大同十一年魏大統五年春三月魏遣使如突厥劉友益曰突厥始見此

突厥本西方小國姓阿史那氏文獻通考突厥匈奴別種其先居西海之右為

鄰國所滅遺一兒且十歲刈足斷臂棄大澤中有北狼啣肉食之得不死及長遂與狼交生十男其後各為一姓阿史那世居金山即今阿爾泰山在巴里坤西北路其古謂金為阿爾山泰即坦音之其一也轉之陽為柔然鐵工通考金山狀如兜鍪北俗呼兜鍪為突厥因以為號至其會

長土門始彊大頗侵魏西邊至是魏使至其國人皆喜

通考以金山狀如兜鍪北俗呼為突厥因以為號云云金按兜鍪蒙古呼為度古勒噶則馬端臨所稱初

未會對音之義如漢書西
域傳之剽竊失直者多矣

曰大國使者至吾國其將興矣。

夏六月魏作大誥。

晉氏以來文章競為浮華。魏宇文泰欲革其弊。命蘇綽
作大誥。宣示羣臣。戒以政事。仍命自今文章皆依此體。

梁遣兵討交州賊李賁。敗之。

賁自稱越帝。置百官。梁遣交州刺史楊暕。天水西縣人。公則之子。

討之。以陳霸先為司馬。暕推霸先為前鋒。賁敗。奔嘉寧

城。在今安南國。元和志。安南。鄒護府峇州。治嘉寧縣。諸軍圍之。先是。定州刺史

江詭說。謂暕。暕集諸將問計。霸先日。定州偷安。目前不

顧大計。節下奉辭伐罪。當死生以之。豈可逗撓不進。長

寇沮眾乎。遂勒兵先發。至是。軍至交州。賁眾數萬。于蘇

歷江口立城柵。以拒霸先。霸先所向摧陷。定州梁置。
今廣西潯州府貴縣是。蘇歷江。今日來蘇。明年諸軍
在安南國交州府東北。蕭勃。吳平侯曷之子。

克嘉寧賁奔典澈湖

胡三省江湖在新昌新昌即峯州也

大造船艦充塞

湖中衆軍憚之頓湖口不敢進

霸先謂諸將曰我師老而無援入人心腹若戰

不捷豈望生全今藉其屢奔人情未固正當共出會江百死決力取之無故停留時事去矣將士皆莫應

水夜暴起七丈奔注湖中霸先勒所部兵乘流先進衆

軍鼓譟俱前賁衆大潰竄入屈獠洞中屈獠斬賁傳首

建康

梁散騎常侍賀琛

字國寶會稽山陰人

上書論事詔詰責之

琛啓陳四事一曰牧守貪殘

略言今天下戶口減落關外彌甚郡不堪州之控總

縣不堪郡之哀削更相呼擾唯事徵歛豈非牧守之過歟東境戶口空虛皆由使命繁數驚困守宰拱手聽其

漁獵桀黠長吏因之重爲貪殘雖年降復業之詔曰下蠲賦之恩民不得反其居也二曰風俗侈

靡略言今牧守所以貪殘良由風俗侈靡使然爲吏致貲鉅億罷歸不支數年率皆盡于燕飲之物歌謳之

司馬光于梁武詰責賀琛
事謂護其所短矜其所長
以為護短則當矣若其所
矜謝乃在不幸特于朝會
某蔬諸細節則實以于清
淨使然烏足以訓者逾我
至云非公宴不食家之
食尤為害理試思彼既自

具所費等于邱山為歡止在俄頃乃更追恨向時所取
之少一何悖哉其餘注後日見茲甚誠宜嚴為禁制道
以節儉糾奏浮華變其耳目三曰斗筭競進
奏事但斗筭之人詭競求進不論國之大體唯務吹毛
求疵以深刻為能以繩逐為務迹雖似于奉公事更成
其威福誠願責其公平之效黜其讒四曰省事息費
憚之心則下安上謐無微幸之患矣四曰省事息費
今天下無事而猶曰不暇給宜省事息費事省則民養
費息則財聚應內省職掌各簡所部有宜除除之有宜
減減之與造有非急者徵求有可
緩者皆宜以畜財而養民
書于前口授勅書以責琛
宜自同闕茸止取名字宜之行路言我能上事恨朝廷
之不用何不分別顯言某刺史橫暴某太守貪殘某使
者漁獵邪士民飲食過差若加嚴禁益增苛擾若指朝
廷我無此事昔之牲牢人不宰殺朝中會同某蔬而已
我非公宴不食國家之食凡所營造皆以雇借成事絕
房室三十餘年雕飾之役不入于官不飲酒不好音
中曲宴未嘗奏樂三更治事日常一食昔腰十圍今裁
二人為誰為之救物故也卿又欲禁百司奏事詭競求

冠人主國家而外寧有私財舍是又從何取給而斤斤欲以此爭勝不自知其支離失據矣

惟辟作福惟辟作威非作也應福者福之應威者威之仍其自取耳然實不可偏廢若武帝則所謂徒作福而不作威而其作福也

進。偏聽生姦。獨任成亂。二世之委趙高。元后之付王莽。呼鹿為馬。又可法歟。治署郎肆。何者宜除。何者宜減。何處興造。非急何處徵求。可琛但謝過而已。不敢復言。梁主為人。孝慈恭儉。勤于政務。冬月視事。執筆觸寒。手為皴裂。自天監中。用釋氏法。長齋一食。菜羹糲飯。身衣布衣。木棉皂帳。一冠三載。一衾二年。雖居暗室。恒理衣冠。小坐。盛暑未嘗褰袒。對內豎小臣。如遇大賓。然優假士人太過。牧守多侵漁百姓。使者干擾郡縣。又好親任小人。頗傷苛察。多造塔廟。公私費損。江南久安。風俗奢靡。故琛啓及之。梁主惡其觸實。故怒。梁主疏簡刑法。自公卿大臣。咸不以鞠獄為意。姦吏招權弄法。貨賂成市。枉濫者多。年老又持佛戒。每斷重罪。則終日不擇。或謀逆事覺。亦因而宥之。由是王侯益橫。或自晝殺人。暮夜剽掠。梁主深知其弊。而溺于慈愛。不能禁也。

又實私意願以多行慈愛
為積已之福馴致白晝殺
人暮夜剽掠其為種禍亦
仍武帝受之

丙梁中大同元年魏大統
寅十二年東魏武定四年春三月梁主講佛書于同泰寺
夏四月同泰浮圖災復作之

梁主幸同泰寺講三慧經四月講解是夕浮圖災梁主
曰此魔也更宜廣為法事遂起十二層浮圖將成值侯
景亂乃止

秋八月梁以邵陵王綸為南徐州刺史

梁主年高諸子心不相下互相猜忌邵陵王綸為丹陽
尹湘東王繹在江州武陵王紀在益州皆權侔人主太
子綱惡之常選精兵以衛東宮出綸為南徐州刺史
冬十月梁以岳陽王詵為雍州刺史

梁主既捨詵兄弟而立太子綱內常愧之寵亞諸子使

登見弟之懷不平乃武帝之內愧有以啟之也幸致子孫爭據陵夷以至于亡貽謀之道可不慎歟

迭為東揚州以慰其心。會稽人物殷阜故使為之。督兄弟亦內懷不平。至是督以梁主衰老。朝多秕政。遂蓄財下士。招募勇敢。至數千人。以襄陽形勝。梁業所基。可圖大功。乃克已為政。撫循士民。數施恩惠。延納規諫。所部稱治。

十一月。東魏高歡侵魏。圍玉壁。不克而還。

先是。魏徙王思政為荊州刺史。思政舉韋孝寬代為并州刺史。守玉壁。至是。東魏高歡悉山東之眾侵魏。至玉壁。圍而攻之。晝夜不息。孝寬隨機拒之。城中無水。汲于汾。歡使移汾。一

夕而畢。又于城南起土山。欲乘之以入。孝寬縛木接樓以禦之。歡鑿地為十道。孝寬掘長塹邀之。每穿至塹。輒擒殺之。塞柴投火。以皮排吹之。在地道內者。亦皆焦爛。歡以攻車撞城。孝寬縫布為幔。隨其所向。懸空張之。車不能壞。歡又縛松麻于竿。灌油加火。以燒布焚樓。孝寬作長鉤遙割之。歡又于城四面穿地。中施梁柱。縱火燒

之。柱折城崩。孝寬隨處豎木柵以扞之。敵不得入。城外盡攻擊之術。而城中守禦有餘。又奪據其土山。歡無如之。何乃使祖珽說之。使降。孝寬曰。孝寬關西男子。必不為降將軍也。珽乃射募格于城中云。能斬孝寬者。拜太尉。封郡公。孝寬題書背返射城外云。能斬高歡者。準此。祖珽字孝徵。瑩之子。東魏苦攻五十日。士卒死者七萬人。歡智力皆困。因而發疾。乃解圍去。歡之自玉壁歸也。軍中訛言。孝寬以定功弩射殺丞相。歡聞之。勉坐見諸貴。使斛律金作敕勒歌。自和之。哀感流涕。斛律金。敕勒部人也。故歡使作敕勒歌。其辭曰。敕勒川。陰山下。天似穹廬。籠罩四野。天蒼蒼。野茫茫。風吹草低。見牛羊。

魏度支尚書蘇綽卒。

綽性忠儉。常以喪亂未平為己任。薦賢拔能。紀綱庶政。宇文泰推心任之。綽嘗謂為國之道。當愛人如慈父。訓人如嚴師。每與公卿議論。自晝達夜。事無巨細。若指諸

掌。積勞成疾而卒。泰深痛惜之。謂公卿曰。蘇尚書平生
廉讓。吾欲全其素志。恐悠悠之徒。有所未達。如厚加贈
諡。又乖夙昔相知之心。何爲而可。令史麻瑤越次進曰。
儉約。所以彰其美也。泰從之。歸葬武功。載以布車一乘。
泰與羣公步送之。酹酒言曰。爾知吾心。吾知爾意。方欲
共定天下。遽舍吾去。奈何。因舉聲慟哭。不覺卮落于手。
史臣曰。周文提劍而起。百度草創。施約法之制。于競逐
之辰。修太平之禮。于鼎峙之日。終能斲雕爲朴。變奢從
儉。風化旣被。而下肅上尊。疆場屢
動。而內安外附。斯蓋蘇綽之力也。

御批歷代通鑑輯覽卷之四十四

南北朝

丁卯梁太清元年。魏大統十年。春正月。己亥朔。日食。

不盡如鈎。

梁以湘東王繹為荊州刺史。

初。繹為荊州。有微過。廬陵王續代之以狀聞。至是續卒。

繹聞之喜。入閣而躍。屢為之破。梁主復以繹刺荊州。

東魏大丞相勃海王高歡卒。

綱目于高歡。宇文泰之卒。俱具官爵。與曹操。司馬懿同例。

今依之。

先是。高歡病。使太原公洋鎮鄴。而徵世子澄赴晉陽。至是。病篤。謂澄曰。侯景專制河南。十四年矣。常有飛揚跋

只死不哀。豈破牒臺城。被圍遲徊不進。即後之刻。壇肖像亦不過為收人心之計耳。天道神明。其可欺乎。魏徵以江陵覆陷。乃上靈降鑒此焉。假手理固有之事。亦宜然。

扈之志。顧我能畜養。非汝所能駕馭也。今四方未定。勿遽發哀。庫狄干斛律金並性適直。終不負汝。堪敵侯景者。惟有慕容紹宗。我故不貴之。畱以遺汝。又曰。段孝先忠亮仁厚。智勇兼備。軍旅大事。宜共籌之。遂卒。歡性深密。終日儼然。人不能測。馭軍嚴肅。聽斷明察。雅尚儉素。刀劍鞍勒。無金玉之飾。及卒。澄秘不發喪。惟行臺丞陳元康知之。

東魏大行臺侯景。以河南降魏。二月。景復以河南叛附於梁。梁封景為河南王。遣兵援之。

景聞歡病篤。用其行臺郎王偉。

穎川人。

計擁兵自固。歡卒。

遂以河南降魏。

景右足偏短。弓馬非其長。而多謀算。諸將高敖曹。彭樂等皆勇計。一時景常輕之。嘗言于高歡。願得兵三萬。橫行天下。要須濟江。縛取

蕭衍老小。以為太平寺主。歡使將兵十萬。專制河南。景

高歡既預廢澄不能獨駁
梁景且為籌堪敵之人豈
有書背微點忘而不告之
理此足見史氏之多文而
鑒實

叔孫豹以夢啟豎牛之禍
梁武帝以夢致侯景之亂
乃至餓死亦復相類此不

素輕高澄嘗曰高王在吾不敢有異王沒吾不能與鮮
卑小兒共事矣及歡收駕澄計為歡書以召景先是景
與歡約曰今握兵在遠人易為詐所賜書背魏以景為
請加微點至是景得書無點辭不至遂叛

太傅大行臺景執豫襄廣州見前刺史潛遣兵襲西兗

州魏置治定陶刺史邢子才掩捕獲之因散檄東方諸州各

為之備高澄遣韓軌字伯年太安狄那人督諸軍討之二月景又

遣郎中丁和奉表于梁請舉河南十三州豫廣潁荆襄兗南兗濟東

豫洛陽北荆北揚陸渾北揚州治項城餘注俱見前內附梁主召羣臣廷

議僕射謝舉字言揚肅弟瀟之子等皆曰頃與魏和邊境無事不

宜納其叛臣梁主曰機會難得豈宜膠柱先是正月乙卯梁主夢中

原牧守皆以地來降旦見朱异告之异曰此字內渾一

之兆也及丁和至稱景定計實以正月乙卯梁主愈神
之然意猶未決嘗獨言我國家如金甌無一傷缺今忽
受景地詎是事宜脫至紛紜悔之何及朱异揣知梁主

待未昇之惡惡而後成亂
階諺所云癡人說夢可不
謂大愚乎

意對曰。今景分魏土之半以來。自非天誘其衷。何以至此。若拒而不納。恐絕後來之望。願陛下無疑。梁主從之。

梁主以景為大將軍。封河南王。都督河南北諸軍事。遣

司州刺史羊鴉仁。

字孝穆。泰山鉅平人。

督兖州桓和。仁州。

梁置。治赤坎。故

城在今鳳陽府靈璧縣。

湛海珍等將兵三萬。趣懸瓠以應之。

平西諮議

周弘正善占候。前此謂人曰。國家數年後。當有兵起。及聞納景。曰。亂階在此矣。

三月。梁主復捨身于同泰寺。

梁主至是。三捨身矣。

羣臣奉贖。如大通故事。

夏四月。東魏高澄如鄴。

澄慮諸州有變。乃自出巡撫。因朝于鄴。東魏主與之宴。

澄起舞。識者知其不終。

胡氏三省曰。昔周景王喪太子及后。以喪賓宴。叔向知其不終。今高澄喪父。死肉未寒。忘哀縱樂。尚為有人心。

乎

六月東魏遣兵討侯景。魏遣兵救之。徵景入朝。景不受。魏師乃還。

東魏高澄遣將軍元柱等將兵數萬襲景。大敗。景以梁羊鴉仁等軍猶未至。乃退保潁川。東魏復遣韓軌等兵

圍之。景懼。割東荆北兗。

胡三省注。當作北荆。

魯陽長社四城。賂魏

以求救。僕射于謹曰。景姦詐難測。未可遣兵。荊州刺史王思政以爲不若因機進取。卽引兵自魯陽向陽翟。宇文泰聞之。遣太尉李弼儀同趙貴將兵赴潁川。韓軌等聞魏師將至。引兵還鄴。景欲因會執弼與貴而奪其軍。貴疑之。不往。欲誘景入營執之。弼止之。羊鴉仁遣兵至。

汝水。弼等引兵還長安。王思政入據潁川。景引軍出屯

懸瓠。復使乞兵于魏。宇文泰遣同軌

西魏郡。隋廢。故城在今河南府永寧

縣。

防主韋法保

名祐。以字行。京兆山北人。

等將兵助之。召景入朝。景

因叛計未成。厚撫法保等。辭不赴。

先是左丞王悅言于泰曰。景既能背德于

高氏。豈肯盡節于朝廷。今益之以兵。竊恐朝廷貽笑將來也。法保長史裴寬亦曰。侯景狡詐。必不關。欲王歛于公。恐未可信。若伏兵斬之。亦一時之功也。不爾。應深為之備。法保然之。遂辭還鎮。王思政亦覺其詐。金布諸軍。據景各州鎮。至是。景果辭不入朝。王悅字衆喜。藍田人。泰召諸軍還。以思政都

督河南諸軍事。景遂決意降梁。羊鴉仁遂入懸瓠。

高澄以書

諭景使還。許以豫州刺史。還其妻子。景不聽。

秋七月。梁遣貞陽侯淵明

字靖通。長沙王懿之子。

督諸將侵東魏。

梁主下詔。大舉伐東魏。欲以鄱陽王範

字世儀。忠烈王恢之子。為

元帥朱异曰。鄱陽雄豪蓋世。得人死力。然所至殘暴。非

弔民之才。且陛下昔登北顧亭。

在今鎮江府丹徒縣北固山上。

謂江右

有反氣。骨肉為戎首。今宜詳擇。梁主曰。會理

字長才。南康王續之子。

何如。對曰。陛下得之矣。遂以會理與貞陽侯淵明分

督諸將。會理庸懦驕倨。不禮淵明。淵明密告朱异。追還

代之。

東魏高澄還晉陽。自為都督中外諸軍。錄尚書事。勃海王

高澄將歸晉陽。以其弟洋為京畿大都督。留鄴。遂歸發

喪。東魏主贈歡相國齊王。備九錫殊禮。

諡曰獻武。

以澄為大

丞相。督中外錄尚書事。澄辭丞相。許之。

澄虛葬歡于漳水之西。而潛鑿

鼓山石窟佛寺之旁為穴。納其柩而塞之。殺羣匠及齊

亡一匠之子知之。發石取金而逃。鼓山在彰德府武

安縣南。寰宇記。山有石鼓二。鳴則兵起。

東魏高澄入鄴。幽其主于宮中。殺侍講荀濟。字子通。潁川人。等而

還。

東魏主多力善射。好文學。時人以爲有孝文風烈。高澄

深忌之。使崔季舒察魏主動靜。始高歡自病逐君之醜。事魏主禮甚恭。事無大

小。必以聞。可否聽旨。每侍宴。俯伏上壽。魏主設法會。乘輦行香。歡執香爐步從。鞠躬屏氣。承望顏色。及澄當國。

倨傲特甚。澄嘗侍宴。舉大觴屬魏主。魏主不勝忿曰。自古無

不亡之國。朕亦何用此生爲。澄怒罵。使季舒拳毆魏主。

奮衣而出。魏主不堪憂辱。詠謝靈運詩曰。韓亡子房奮。

秦帝曾連恥。侍講荀濟知魏主意。乃與祠部郎中元瑾。

華山王大器。驚之。等謀誅澄。于宮中作土山。開地道向

歡恣睢無忌。特以纂奪。尚非其時。故假虛文掩人耳。曰正與澄之下牀大啼。景之猶賴殿下同一僞狀。史臣乃謂其自病逐君之醜。可謂無識。

前齊果正士不當逃奔東魏獨其一死所謂鐵中錚錚者耳

北城至千秋門。門者覺之。以告澄。澄勒兵入宮。見魏主。不拜而坐。曰。陛下何意反。魏主正色曰。自古惟聞臣反。君未聞君反臣。必欲弑逆。緩速在王。澄乃下牀叩頭。大啼謝罪。居三日。幽魏主于含章堂。烹濟等于市。遂還晉陽。濟少居江東。博學能文。與梁主有布衣之舊。知梁主有大志。然負氣不服。常謂人曰。曾于盾鼻上磨墨檄之。梁主甚不平。及卽位。或薦之。梁主曰。亂俗好反。不可用也。濟上書諫。梁主崇信佛法。塔寺奢費。梁主大怒。欲斬之。朱异密告之。濟逃奔東魏。澄以爲侍講。及敗。下辯曰。自傷年紀摧頽。功名不立。故欲挾天子誅權臣。澄欲宥其死。親問之曰。荀公何意反。濟曰。奉詔誅高澄。何反邪。遂烹之。

九月。梁堰泗水。攻東魏彭城。冬十一月。東魏行臺慕容紹

宗擊敗之。獲蕭淵明。

梁主命侍中羊侃與淵明堰泗水于寒山。在今徐州府銅山縣東南。

以灌彭城。俟得彭城。乃進軍與侯景犄角。東魏遣大都

督高岳救彭城。欲以潘樂

字相貴。廣寧石門人。

爲副。陳元康曰。樂

緩才機變。不如慕容紹宗。且先王之命也。乃以紹宗爲

東南道行臺。與岳樂偕行。景聞紹宗來。叩鞍有懼色。曰。

誰教鮮卑兒解遣紹宗來。若然。高王定未死邪。紹宗帥

衆十萬。據橐駝峴。

在銅山縣北。

羊侃勸淵明乘其遠來擊之。

不從。侃乃帥所領出屯堰上。紹宗至。攻營。淵明醉不能

起。諸將皆不敢出。兗州刺史胡貴孫獨帥麾下與戰。斬

首二百。東魏兵敗走。初。景常戒梁人曰。逐北不過二里。

紹宗將戰。以梁人輕悍。恐其衆不能支。引將卒謂之曰。

我當陽退。誘吳兒使前。爾擊其背。至是。梁人不用景言。

乘勝深入。東魏將卒以紹宗之言為信。擊破之。梁兵大敗。淵明貴孫皆為所虜。失亡士卒數萬人。羊侃結陳徐還。梁主聞之驚駭。幾欲墮牀。歎曰。吾得無復為晉家乎。
高澄使軍司杜弼作檄移梁朝。略曰。侯景以鄙俚之夫。遭風雲之會。位班三事。邑啓萬家。而離披不已。意亦可見。彼乃授之以利器。誨之以慢藏。使其勢得容奸。時堪乘便。終恐偏彊。不掉狼戾。難馴。橫使江淮士子。荆揚人物。死亡矢石之下。天折霧露之中。彼梁主者。輕險有素。老耄及之。用舍乖方。廢立戾所。矯情動俗。飾智驚愚。毒螫滿懷。妄殺戒業。災異降于上。怨讟興于下。傳險躁之風俗。任輕薄之子孫。朋黨路開。兵權在外。必將禍生。骨肉鬬起。腹心外奔。中潰今實其時。其後梁室禍敗。皆如弼言。
杜弼字輔元。中山曲陽人。

十二月。梁立元貞。

魏故咸陽王禧之孫。為咸陽王。

侯景遣王偉說梁主曰。高澄幽元善見于金墉。殺諸元六十餘人。河北物情俱念其主。請立元氏一人以從人。

望則陛下有繼絕之名。臣景有立功之效。梁主然之。乃以太子舍人元貞爲咸陽王。初貞父樹南奔已而北還被殺貞遂留梁資以兵力。貞渡江卽位。儀衛以乘輿之副給之。

侯景敗東魏兵于渦陽。

慕容紹宗旣敗淵明。遂引軍擊侯景。景退保渦陽。紹宗士卒十萬。鳴鼓長驅而進。景命戰士皆被短甲。執短刀。入東魏陳。但低視斫人脛馬足。東魏兵遂敗。紹宗奔譙城。裨將斛律光。字明月金之子張恃顯復進軍渦水。亦不利而還。

戊辰四年東魏武定六年春正月東魏慕容紹宗擊侯景。

景衆潰走。襲據壽春。南史作壽陽考壽陽本壽春晉更名魏復舊故南北朝二名每互稱梁

以爲南豫州牧。

慕容紹宗以鐵騎五千夾擊侯景。景誑其衆曰。汝家屬已爲高澄所殺。衆信之。紹宗遙呼曰。汝家屬並完。若歸官。勲如舊。景士卒不樂南渡。遂大潰。景與數騎自陝石濟淮。稍收散卒。得步騎八百人。晝夜兼行。追軍不敢逼。使謂紹宗曰。景若就擒。公復何用。紹宗乃縱之。景奔至壽春。給梁監南豫州事韋黯。字務直。開門之子。遂據其城。馬頭戍主劉神茂素爲黯所不容。聞景敗將至。故往候之。景問曰。壽陽去此不遠。欲往投之。韋黯其納我乎。神茂曰。黯監州耳。王若至。黯必出迎。因而執之。可以集事。得城之後。徐以啟聞。朝廷喜王南歸。必不責也。景執其手曰。天教也。遂行。夜至城下。黯授甲登陴。不納。景謂神茂曰。事不諧矣。對曰。黯懦而寡智。可說下也。乃遣壽陽人徐思玉入說黯。黯不許。思玉曰。國家付君以閩外之略。若魏兵迫至。河南王見殺。君豈得獨存。縱存。何

顏以見朝廷邪。黠乃開門納景。景遣其將分守四門。詰責黠將斬之。既而撫手大笑。置酒極歡。梁朝聞景敗。咸以為憂。詹事何敬容言于太子曰。得景遂死。深為朝廷之福。太子失色。問其故。敬容曰。景翻覆叛臣。終當亂國。景遣使以敗聞。乞自貶。梁主不許。以景為南豫州牧。光祿大夫蕭介諫曰。侯景以凶狡之才。荷高歡卵翼之遇。歡墳土未乾。即還反噬。逆力不逮。乃復逃死。關西宇文不容。故復投身于我。陛下前者所以受之。正欲比屬國降胡。冀獲一戰之效耳。今既亡師失地。直是境上之匹夫。陛下愛匹夫而棄與國。臣竊不取。若猶待其歲暮之效。則彼棄鄉國如脫屣。背君親如遺芥。豈知遠慕聖德。為江淮之純臣乎。梁主歎其忠而不能用。蕭介字茂鏡。思話之孫。

二月。東魏求成于梁。

高澄數遣書求好于梁。梁主未之許。澄乃令蕭淵明奉

啟于梁。

先是。淵明至鄴。送于晉陽。高澄待之甚厚。至是。澄謂淵明曰。若梁主不忘舊好。諸人並即遣還。

梁非亡于侯景。實亡于朱異。異始勸納景。已潛種禍機。既復勸許東魏求成。構成叛讐。且更納景金。而不通其啟于鄴陽。羊鳩仁之

告反又匿其秦并執來使
是速景之反者异成景之
亂者亦异也迄乎景已臨
江猶謂必無渡江之志始
終蒙蔽梁遂以亡此固姦
邪誤國之尤而梁主甘受
其毒獨何心哉

侯景家屬亦當同遣。于是淵明遣人奉啟還梁。梁主與朝臣議之。朱异等皆以
爲便。司農卿傅岐字景平。北地靈州人。獨曰。此高澄設間欲令侯
景自疑而作亂耳。若許通好。正墮其計中。异等固執宜
和。梁主亦厭用兵。乃許之。使還過壽陽。侯景知之。攝問
具服。乃啟梁主曰。高澄忌賈在翟。惡會居秦。春秋晉靈公時。隋會
在秦。賈季在翟。晉人患之。見左傳。求盟請和。冀除其患。若臣死有益。萬
殞無辭。惟恐千載有穢良史。又致書于异。餉金三百兩。
异納金而不通其啟。梁主遂遣使弔澄。景又啟曰。臣與
高氏釁隙已深。今陛下復與連和。使臣何地自處。梁主
報之曰。朕與公大義已定。豈有成而相納。敗而相棄乎。
景乃詐爲鄴中書。求以淵明易景。梁主以朱异言。復書

曰。貞陽旦至。侯景夕返。景謂左右曰。我固知吳老公薄心腸。王偉說景曰。今坐聽亦死。舉大事亦死。唯王圖之。于是始為反計。

夏五月。梁遣散騎常侍徐陵

字孝穆。如東魏。

復修好也。

六月。天裂于西北。

長十丈。濶二丈。光出如電。其聲若雷。

秋七月。庚寅朔。日食。

八月。梁侯景反壽春。梁主遣邵陵王綸督諸軍討之。

侯景聞徐陵等使魏。反謀益甚。元貞知景有異志。累啟還朝。景謂曰。河北事雖不果。江南何慮失之。貞懼。逃歸。

清輕之氣上浮而為天萬古不易者也。若浮圖氏所稱劫運則又謬悠而不可知。仍此天地也。安得有裂之理。此蓋祖女媧煉石補天之奇說。遇電雷之變。史官好怪而甚其詞。轉云如電若雷耳。

梁主唐書景人已玩之股

建康具以事聞。梁主不問。景知臨賀王正德屢以貪暴得罪。陰養死士。幸國家有變。乃遣徐思玉致牋曰。天子年尊。姦臣亂國。大王屬當儲貳。景雖不敏。實思自效。正德大喜。報之曰。僕爲其內。公爲其外。何有不濟。機事在速。今其時矣。合州刺史鄱陽王範密啓景謀。朱異以爲能反乎。範復請自以合肥之衆討之。梁主不許。朱異謂其使曰。王遂不許朝廷有一客耶。自是不復通範路。景邀羊鴉仁同反。鴉仁執其使以聞。異曰。景何能爲。以使不許。即帥甲騎向閩越。梁主遣使喻解之。合州梁置治合肥。景遂反于壽陽。以誅中領軍朱異。少府卿徐麟。太子右衛率陸驗。制局監周石珍爲名。麟。驗皆吳郡人。石珍。丹陽人。時謂之三蠹。异等皆以姦佞驕貪蔽主弄權。爲時所疾。故景託以興兵。梁主聞景反。笑曰。是何

掌乃口出大言適以自愚
可謂不知分量者

能爲吾折箠答之耳。詔以鄱陽王範封山侯正表。

臨川王宏

子司州刺史柳仲禮。

慶遠之孫

散騎常侍裴之高。

字如山。爲

四道都督。邵陵王綸持節兼督衆軍以討景。

冬十月梁臨賀王正德叛。引侯景兵渡江。梁主命宣城王

大器。

字仁宗。太子綱長子。

將軍羊侃督軍禦之。

侯景聞臺軍討已。問策于王偉。偉曰。邵陵若至。必爲所

困。不如決志東向。直掩建康。臨賀反其內。大王攻其外。

天下不足定也。兵貴神速。今宜卽進。乃詐稱出獵。十月。

襲譙州。

梁置。今江南滁州是。

執刺史蕭泰。攻歷陽。太守莊鐵以城

降。說景速趨建康。景乃以鐵爲導。引兵臨江。梁主問策

于尚書羊侃。侃請以二千人急據采石。令邵陵王襲取

壽陽使景進不得前。退失巢穴。烏合之衆。自然瓦解。朱
昇曰。景必無渡江之志。遂寢其議。侃曰。今茲敗矣。梁主
以正德督諸軍。屯丹陽。正德遣大船數十艘。詐稱載荻。
密以濟景。景遂自橫江濟于采石。有馬數百匹。兵八千
人。是夕。梁朝始命戒嚴。景分兵襲姑孰。至慈湖。建康大
駭。梁主悉以內外軍付太子。以宣城王大器都督城內
諸軍事。羊侃爲軍師將軍副之。是時。梁興四十七年。境
內無事。賊至猝迫。公私駭震。軍旅指擣。一決于侃。侃膽
力俱壯。太子深仗之。

蕭正德引侯景圍梁臺城。十一月。景以正德稱帝。

景至朱雀桁南。太子猶未知正德之情。使守宣陽門。庾

信

字子山。肩吾子。

守朱雀門。欲開大桁以挫賊鋒。正德止之。俄

而景至。信乃帥眾開桁。見景軍皆鐵面。遂棄軍走。正德

之黨復閉桁度景。正德帥眾迎之。

先是大同中童謠曰。青絲白馬壽陽來。至

是景乘白馬青絲為轡。欲以應謠云。

景軍乘勝至闕下。城中恟懼。羊侃詐

稱得射書云。邵陵王綸西昌侯淵藻援兵已至近路。眾

乃少安。石頭降景。景遣于悅守之。列兵繞臺城。百道

俱攻。羊侃隨機禦之。

景作木驢數百攻城。城上投石碎之。景更為尖頂。石不能破。侃使作

雉尾炬。灌以膏蠟。叢擲焚之。

景攻既不克。士卒死傷多。乃築長圍。以

絕內外。侃子驚為景所獲。執以示侃。侃曰。我傾宗報主。

猶恨不足。豈計一子。幸早殺之。數日復持來。侃引弓射

之。景以其忠義亦不之殺。十一月朔。正德即帝位。以景

時即計成。穢侯景請王
闔牆北魏。驛境。衆已難
延一縷矣。况區區陳所若
心求濟。乃猶爲節文。狐疑
債事。時勢尚爲耶。

爲丞相。景攻東府。三日克之。聲言梁主已刎。雖城中亦

以爲然。太子請梁主巡城。衆心粗安。先是。景之濟江也。南津校尉江子一。

欲以舟師邀景。會其衆潰。子一奔還。梁主責之。子一拜

謝曰。臣以身許國。常恐不得其死。今所部皆棄臣去。臣

以一夫安能擊賊。若賊遂能至此。臣誓當碎身以贖前

罪。至是。與弟左丞子四。東宮主帥子五。帥所領百餘人。

開門出戰。子一直抵賊營。徑前刺賊。從者不繼。賊解其

肩而死。子四。子五。相謂曰。與兄俱出。何面獨旋。皆免。胄

赴賊死。臨川太守陳昕。奉敕守采石。未至。而景濟已爲

景所擒。欲用之。昕不可。景使其黨范桃棒囚之。昕因說

桃棒。使殺王偉。宋子仙。而降。桃棒從之。潛遣昕夜絕人

城。梁主大喜。鑄銀券賜桃棒。許以封王。即有景衆太子

恐其詐。召公卿會議。不即開門。俄而桃棒事泄。景拉殺

之。陳昕不知。如期而出。景逼使射書城中。言桃棒今入

因衷甲隨之。昕不肯。期以必死。景乃殺之。江子

一。字元亮。濟陽考城人。陳昕字君章。慶之之子。

梁荆州刺史湘東王繹。移檄遣兵赴援。

荆州刺史湘東王繹。移檄所督湘州刺史河東王譽。雍

州刺史岳陽王督江州刺史當陽公大心。字仁恕。大器之弟。郢

州刺史南平王恪。

字敬則。偉之子。

等發兵入援。繹自將銳卒三

萬發江陵。

先是侯景募人奴降者悉免為良。得朱异奴。以為儀同三司。使乘良馬。衣錦見于城下。仰

詬异曰。汝五十年仕宦。方得中領軍。我始事侯王。已為儀同矣。于是三日之中。羣奴出就景者。以千數。景皆厚撫之。爭為之致死。至是。异遣景書為陳禍福。景報書并告城中士民曰。梁自近歲以來。權倖用事。割剝齊民。以供嗜欲。公等試觀今日。國家池苑正公第宅。僧尼寺宇。及在位庶僚。姬妾百室。僕從數千。不耕不織。錦衣玉食。不奪百姓。從何得之。僕所以趨赴闕庭。指誅權倖。非傾社稷。今城中皆望四方入援。吾觀王侯諸將。志在全身。誰能竭力致死。與吾爭勝負哉。

梁邵陵王綸還軍赴援。侯景擊之。大潰。

邵陵王綸行至鍾離。聞侯景已渡采石。晝夜兼道旋軍入援。遂率步騎三萬自京口西上。景遣軍拒之。前譙州

刺史趙伯超曰。若從黃城入路。必與賊遇。不如徑指鍾

山。在今江寧府上元縣東北。亦曰蔣山。吳孫權避祖諱。更名。突據廣莫門。出賊不意。

城圍必解矣。綸從之。夜行失道。迂二十餘里。旦營于蔣

山。景見之大駭。悉送所掠婦女珍寶于石頭。具舟欲走。

分兵攻綸。綸與戰。破之。景陳兵于覆舟山北。綸進軍元

武湖。在上元縣北。亦曰後湖。相持不戰。至暮。景更約明日會戰。綸

許之。安南侯駿。字德穎。長沙王懿之子。見景軍退。以為走。即與壯

士逐之。景旋軍。擊之。駿敗走。趣綸軍。景乘勝追擊之。諸

軍皆潰。綸奔朱方。景擒西豐公大春。主帥霍俊等。還至城下。使言曰。邵陵已為亂兵所殺。俊

獨曰。王。小失利。已全軍還京口。城中但堅守。援軍尋至。賊以刀毆其背。俊辭色彌厲。正德殺之。時鄱陽王範將

兵入援軍于蔡洲。封山侯正表鎮鍾離。叛附侯景。景以為郡王。正表乃于歐陽立柵。以斷援軍。帥眾欲襲廣陵。

廣陵令劉詢。以告南兗州刺史南康王會理。十二月。會理使詢帥兵夜襲正表。破之。朱方。歐陽注俱見前。西豐公大春。字仁經。大心之弟。封山侯。正表。正德之弟。

梁將軍羊侃卒。

先是。侯景于臺城東西起二土山。以臨城。城中亦起土山以應之。會大雨。城內土山崩。賊乘之垂入。羊侃令多擲火。為火城以斷其路。徐于內築城。賊不能進。至是。侃以疾卒。城中益懼。已而景土山稍逼城中。右衛將軍柳津。命作地道以取其土。外山崩。壓賊且盡。景乃棄土山。自焚其攻具。引元武湖水以灌城中。闕前皆為洪流。柳津。字元舉。仲禮之父。梁散騎常侍韋粲。字長倩。放之子。及東西道都督裴之高。柳仲禮等。各以兵入援。推仲禮為大都督。

梁主徵衡州刺史韋粲為散騎常侍。以歐陽頎。字靖世。長沙臨

人。監州事。粲至廬陵。漢縣。吳置郡。今仍爲縣。爲江西吉安府治。聞亂。簡閱部

下得精兵五千。倍道赴援。至豫章。聞景已渡江。內史劉

孝儀。名潛。以字行。勳之孫。置酒。粲怒。以杯抵地曰。賊已渡江。便逼

宮闕。韋粲今日。何情飲酒。卽馳馬出行。至南洲。外弟司

州刺史柳仲禮。亦率步騎至橫江。粲卽送糧仗。併散私

財以賞其戰士。裴之高自張公洲。卽蔡洲。遣船渡江。粲仲

禮及羊鴉仁等。合軍屯新林。粲議推仲禮爲大都督。裴

之高自以年位。耻居其下。粲單舸至之高營。切讓之曰。

今二宮危逼。猾寇滔天。臣子當戮力同心。豈可自相矛

楯。豫州必欲立異。鋒鏑便有所歸。之高垂泣致謝。遂推

仲禮爲大都督。景囚之高弟姪子孫。列于陣前。以鼎鑊刀鋸隨其後。謂曰。裴公不降。今卽烹之。

之高召善射者。仲禮以晦夜入粲營。部分軍衆。旦日會

戰。諸將各有據守。仲禮謂粲曰。青塘

即青溪塘。青溪注見前。

要地。

非兄不可。乃令粲頓青塘。

己梁太清三年。魏大統十年。五年。東魏武定七年。

春正月。侯景襲梁援軍。韋粲死

之。柳仲禮擊景。敗之。

正月朔。柳仲禮徙營大桁。會大霧。韋粲軍迷失道。比及

青塘。夜已過半。立柵未合。侯景亟帥銳卒攻之。粲使軍

主鄭逸逆擊之。命直閣將軍劉叔允以舟師截其後。叔

允不敢進。逸遂敗。景乘勝入粲營。左右牽粲避賊。粲不

動。叱子弟力戰。遂與子尼及弟助警。構從弟昂皆戰死。

親戚死者數百人。仲禮方食。投箸被甲。與其麾下百騎

馳往救之。與景戰，大破之，斬首數百級，溺死千餘人。仲禮稍將及景，賊將自後斫仲禮中肩，景得免。自是不敢復濟南岸。仲禮亦氣索，不復言戰矣。邵陵王綸復收散卒自東道至，列營

桁南亦推柳仲禮為大都督。

梁中領軍朱异死。

朝野以侯景之禍，共尤朱异，异慚憤而死。梁主痛惜，特贈僕射。初，侯景叛，傳岐以所聞責异，异曰：「外間謗讟，知之久矣。」心苟無愧，何惜人言？岐謂人曰：「朱彦和將死矣。」恃詔以求容，肆辯以拒諫，聞難而不懼，知惡而不改，天奪其鑒，其能久乎？」及景圍臺城，梁主登南樓望賊，顧謂异曰：「四郊多壘，誰之罪？」

歟。异流汗不能對，遂發病死。

梁北徐州刺史蕭正表以州叛降東魏。

梁援軍擊侯景，天門前。

注見前。

太守樊文皎戰死。

臺城與援軍信命久絕。

時有羊車兒獻策作紙鳶載救因風放之賊以為厭勝射下之。

援軍募人能入城送啓者李朗請先受鞭詐為得罪叛

投賊因得入城城中方知援兵四集舉城鼓譟諸軍渡

淮攻東府前欄焚之高州刺史李遷仕及樊文皎帥銳

卒五千獨進深入所向摧靡至荻首橋

在青溪上

東景將朱

子仙伏兵擊之文皎戰死遷仕遁還仲禮神情傲狠陵

蔑諸將邵陵王綸每日執鞭至門亦移時不見由是與

綸及諸將有隙互相猜阻莫有戰心

援軍初至建康士民扶老携幼以候

之援過淮即縱兵剽掠由是士民失望賊中有謀應官軍者聞之亦止。

二月梁以侯景為大丞相與之盟救止援軍湘東王繹次

于武城

在今湖北漢陽府黃陂縣大經注武口水南至武城入大江即此。

犯關許和勅止援軍是延
賊入門又自絕其外據也
梁武贈雖有和不如死
之見而靈於簡文之請卒
成和議所謂天奪其魄者
耳

時援軍四集王偉因勸景偽表求和初臺城之閉也公卿以食為念男女貴賤並出負米取諸府藏錢帛聚德陽堂而不備薪芻魚鹽至是壞尚書省為薪徹薦到以飼馬車士或煮鎧魚鼠捕雀而食之屠馬于省殿間雜以人肉食者必病侯景眾亦饑抄掠無所獲東城有米可支一年援軍斷其路景甚患之王偉請偽求和以緩其勢運木入石頭然後休士息馬繕修器械伺其懈怠擊之景乃拜表求和太子白梁主請許之梁主怒曰和不如死太子固請梁主遲回久之乃曰汝自圖之勿令取笑千載遂報許之景乞割江右四州之地并求宣城王大器出送然後濟江中領軍傅岐固爭曰豈有賊舉兵圍宮闕而復與之和乎此特欲却援軍耳且宣城嫡嗣之重國命所繫豈可為質梁主乃以大器之弟石城公大款質于景敕諸軍不得復進詔以景為大丞相豫州牧設壇門外遣

僕射王克

或之曾孫

與王偉等盟既盟而景圍不解專修鎧

仗了無去志

南康王會理等至馬邛州景請敕還南岸

方頻隔柵見詬云天子自與汝盟我終當破汝乞召確

泣謂確曰圍城既久聖主憂危臣子之情切于湯火故

且盟而遣之更申後計成命已決何得拒違確曰侯景

雖云欲去而不解長圍其意可見入城何益綸大怒欲

斬之確乃流涕入城梁主常蔬食至是蔬茹皆絕乃食

雞子綸乃因使上雞子數百枚馬邛州在江寧湘東

府上元縣西北永安侯確字仲正邵陵王綸子

湘東王綸子

王繹軍于郢州之武城與河東王譽

湘州刺史軍青草湖

岳州府巴陵縣西桂陽王

造字元貞簡王融孫為信州刺史軍西峽口梁信州

今四川夔州府是皆託言四方援兵未集淹留不進參

蕭賁骨鯁士也以繹不早心非之常與繹雙六食子

水下賁曰殿下都無下意繹來銜之會得梁主救繹欲

旋師賁曰景以人臣舉兵向闕今若放兵童子能斬之

矣必不為也大王以十萬之眾未見賊而退奈何繹不

悅未幾因事殺之。雙六古傳戲之變子宜雙行瓊宜得六故名曰雙六。

三月侯景陷梁臺城自稱大都督錄尚書事邵陵王綸奔會稽柳仲禮等叛降景景廢蕭正德以爲大司馬已而殺之。

侯景既運東府米入石頭援軍復不相統壹王偉乃說

景背盟景遂啟陳梁主十失梁主覽啟慚怒三月朔城

內設壇告天地以景違盟舉烽鼓譟。初閉城之日男女

萬餘人被圍既久死者十八九乘城不滿四千人率皆羸喘衆心猶望外援柳仲禮唯聚妓置酒作樂諸將口往請戰仲禮不許安南侯駿說邵陵王綸曰城危如此而都督不救若萬一不虞殿下何顏自立于世今宜分軍爲三道出賊不意攻之可以得志綸不從仲禮父津登城謂仲禮曰汝君父在難不能竭力百世之後謂汝爲何仲禮亦不以爲意梁主問策于津對曰南康王會陛下有邵陵臣有仲禮不忠不孝賊何由平南康王會

理與羊鴉仁趙伯超等進營于東府城北約夜渡軍爲

景所敗于是景復攻城晝夜不息邵陵世子堅屯太陽

門終日蒲飲不恤吏士其書佐董勛華白曇朗通鑑作熊曇朗

今依南史夜引景衆登城永安侯確力戰不能却乃排

闥入啟梁主云城已陷梁主安卧不動歎曰自我得之

自我失之亦復何恨因謂確曰速去語汝父勿以二宮

爲念景入見于太極東堂以甲士五百人自衛稽顙殿

下典儀引就三公榻梁主神色不變問曰卿在軍中曰

久無乃爲勞景不敢仰視汗流被面復至永福省見太

子太子亦無懼容侍衛皆驚散惟徐摛殷不害寧長卿陳郡長

平侍側摛謂景曰當以禮見景乃拜退謂其黨曰吾常

跨鞍對陣。矢刃交下而意氣安緩了無怖心。今見蕭公使人自慴。豈非天威難犯。吾不可以再見之。于是悉撤兩宮侍衛縱兵掠乘輿服御宮人皆盡。收朝士王侯送永福省。矯詔大赦。自加大都督中外諸軍錄尚書事。以詔命解外援軍。柳仲禮召諸將議之。邵陵王綸曰。今日之命委之將軍。仲禮熟視不對。裴之高王僧辯曰。將軍擁衆百萬。致宮闕淪沒。正當悉力決戰。何所多言。仲禮竟無一言。諸軍乃散。綸奔會稽。仲禮及羊鴉仁王僧辯趙伯超並開營降賊。軍士歎憤。仲禮等入城先拜景而非我子何勞相見景遣仲禮歸司州僧辯歸竟陵。初臨賀王正德與景約平城之日不得全二宮及城開正德

率衆揮刃欲入。景先使其徒守門，乃不果入。景更以正德爲大司馬。正德入見梁主，拜且泣。梁主曰：「啜其泣矣，何嗟及矣。」已而正德怨景賣已，密書召鄱陽王範，使以兵入。景遮得其書，縊殺之。

梁湘東王繹歸江陵，殺桂陽王慄。

初，梁張纘

字伯緒，弘策之子。

爲湘州刺史。梁主以河東王譽代之。

徙纘代岳陽王譽刺雍州。纘素恃才輕譽，譽深銜之。及至州，留纘不遣。纘輕舟夜遁，將之雍部，復慮譽拒之，纘與湘東王繹有舊，欲因之以殺譽兄弟，乃如江陵，及臺城陷，諸王各還州鎮。譽歸湘州，言州刺史桂陽王慄留軍江陵，欲待繹至，拜謁乃還。纘遺繹書曰：「河東欲襲

江陵岳陽共謀不逞。江陵軍士朱榮亦遣使告繹云。桂陽留此。欲應魯督。繹懼。自蠻中步道馳歸江陵。因慥殺之。荆湘由是構隙。繹厚資遣繹赴鎮。督初不赴援。聞臺城已陷。遂執繹。繹後為守門者所殺。梁宣城吳興起兵拒侯景。

侯景遣董紹先至廣陵。南康王會理以州授之。遣于子

悅畧吳郡。太守袁君正

昂之子。

以郡降。

紹先子悅。所將皆羸兵數百。廣陵僚

佐說會理殺紹先。發兵拒守。與魏連和。會理不能用。新城戍主戴僧邊勸君正閉關拒賊。賊乏食。立可饑死。君

正亦不從。

新城吳縣。晉以後因之。今屬浙江杭州府。

景又遣來亮入宛陵。宣城

太守楊白華

一名華。魏將大眼子。奔于梁。胡三省注。華讀作花。

誘而斬之。景遣

其將李賢明攻之不克。御史中丞沈浚

字叔源。武康人。避難東

歸。與吳興太守張嶷

字四山。稷之子。

起兵討景。景號令所行。唯

吳郡以西南陵

注見前

以北而已

後景攻宣城白華力屈乃降景以其北人釋之

東魏攻魏潁川魏人擊之殺其將慕容紹宗劉豐生

東魏高岳及慕容紹宗劉豐生等攻魏王思政于潁川

踰年不克豐生建策堰洧水

注見前

以灌之城多崩潁王

思政身當矢石與士卒同勞苦城中泉涌懸釜而炊宇

文泰遣趙貴督東南諸州兵救之阻水不得前東魏人

使善射者乘大艦臨城射之城垂陷紹宗豐生臨堰視

之暴風忽至飄船向城城上人以長鈎牽船弓弩亂發

二人俱死

夏五月梁主衍殂太子綱立

梁主爲侯景所制飲膳亦爲裁節憂憤成疾口苦索蜜

不得再曰荷荷遂死。年八景秘不發喪太子嗚咽流涕

不敢泄聲。既而發喪遂即位。立宣城王大器為太子。是冬

葬武帝于修陵。廟號高祖。初高祖之末建康上民爭尚豪華。十年之儲常資四方委輸及侯景亂道路斷

絕人至相食不免餓死有者百無一二貴戚豪族皆自出採稻填委溝壑不可勝紀。

六月梁湘東王繹殺太常卿劉之遴。字思貞南陽涅陽人。

初侯景將使之遴授臨賀王正德璽綬之遴剃髮僧服

而逃之遴博學能文嘗為湘東王繹長史將歸江陵行

至夏口繹素嫉其才密送藥殺之而自為誌銘厚其賻

贈。

東魏高澄克潁川以王思政歸魏師還。

東魏高岳既失慕容紹宗等志氣沮喪不敢復逼長社

穎川。陳元康言于高澄曰。王自輔政以來。未有殊功。今
郡。穎川垂陷。願王自以爲功。澄從之。自將攻長社。親臨作
堰。堰三決。澄怒。推負土者及囊并塞之。城中無鹽。攣腫
死者什八九。水入城壞。澄令城中曰。有能生致王大將
軍者封侯。若有損傷。左右皆斬。王思政帥衆據土山。告
之曰。吾力屈計窮。惟當以死謝國。因仰天大哭。西向再
拜。欲自刎。衆共執之。不得引決。澄遣趙彥深執手申意。
延而禮之。穎川旣陷。宇文泰以侯景所獻諸城。道路阻
絕。令諸將拔軍還。高澄遇思政甚重。祭酒盧潛曰。思政
不能死節。亦何足重。澄曰。我有盧潛。
乃是更得一王思政。
潛度世之曾孫也。

梁湘東王繹自稱假黃鉞大都督中外諸軍承制。

梁永安侯確謀討侯景。不克而死。

景愛永安侯確之勇。常寘左右。邵陵王綸潛遣人呼之。確曰。景輕佻。一夫力耳。我欲手刃之。恨未得其便。卿還啟家王。勿以確為念。景與確遊鍾山。確引弓射鳥。因欲射景。弦斷不發。景覺而殺之。

梁湘東王繹使其世子方等

字實相。

攻湘州刺史河東王譽。

譽擊之。方等敗死。秋七月。繹復遣信州刺史鮑泉

字潤岳。東海人。

擊譽。

梁湘州刺史河東王譽驍勇得士心。湘東王繹將討侯

景。遣使督其糧衆。譽不受令。繹世子方等請討之。

方等。徐妃

所出。妃多失行。故方等亦無寵。侯景圍臺城。方等將兵入援。每戰親當矢石。以死節自任。及城陷。還江陵。收集

士馬甚得衆和。釋始歎其能。

釋乃以少子方矩

字德規。

代譽使方等將

兵送之至麻溪。

在今長沙府長沙縣北。水經注。湘水又東合麻溪水口。卽此。

譽擊之。

方等軍敗溺死。方矩收餘衆還。

先是釋以方等之能入告徐妃。妃不對。垂泣而

退。釋怒。疏妃穢行。勝于大閤。方等見之。益懼。及方等敗死。釋無戚容。會寵妃王氏生子而卒。釋疑徐妃爲之。逼

令自殺。妃赴井死。

釋復遣竟陵太守王僧辯信州刺史鮑泉擊

譽。刻日就道。僧辯請申期。釋怒。斫之幾死。仍送獄。泉遂

將兵獨行。

梁合州刺史鄱陽王範以州附于東魏以乞師。

範聞臺城陷。戒嚴欲入。僚佐咸說之曰。今魏人已據壽

陽。大王移足。則虜必窺合肥。範乃止。會高澄遣李伯穆

通合肥。範方謀討侯景。藉東魏爲援。乃以合州輸伯穆。

送二子于鄴以乞師。出屯濡須。以待上游之軍。久之不
至。東魏亦不為出師。範糧乏。進退無計。乃西軍樅陽。遣
信告江州刺史尋陽王大心。大心以湓城處之。既至。與
大心相猜。大心築壘以備之。市糴不通。範眾無所得食。
多餓死。範憤愧而卒。
樅陽。湓城。注俱見前。

盜殺東魏大將軍高澄于鄴。

先是高澄如鄴。封齊王。加殊禮。將佐請受之。陳元康以

為未可。至是澄復詣鄴。

澄謂濟陰王暉業曰。比讀何書。
暉業曰。數尋伊霍之傳。不讀曹

馬之

澄前獲梁衡州刺史蘭欽

字休明。中
昌魏人。

子京以為膳

奴。欽請贖之。不許。京屢自訴。澄杖之曰。更訴。當殺汝。京

遂與其黨六人謀作亂。會澄與陳元康。楊愔。崔季舒。屏

左右謀受禪。京進食。寘刀盤下。殺之。愔。季舒走匿。元康

以身蔽澄亦被傷

是夕卒

初澄以太原公洋次長忌之洋

深自晦匿每退朝閉閣靜坐雖對妻子或竟日不言及

變起洋聞之神色不動入討羣賊斬而齎之秘不發喪

勲貴以重兵皆在并州勸洋早如晉陽洋從之夜召督

護唐邕

字道和晉陽人

使部分將士鎮遏四方須臾而畢

東魏主

澄死竊謂左右曰大將軍死似是天意威權當復歸帝

室矣洋留高岳高隆之司馬子如楊愔守鄴入謁東魏

主從甲士八千人登階者二百餘人皆攘袂扣刃若對

嚴敵令主者傳奏曰臣有家事須詣晉陽再拜而出東

魏主失色目送之曰此人又似不相容朕不知死在何日

九月侯景陷吳興梁太守張嶮御史中丞沈浚死之

景使侯子鑒寇吳興吳興兵力寡弱張嶮書生不閑軍

旅或勸嶮效袁君正迎降嶮歎曰袁氏世濟忠貞不意

君正一旦棄之。吾豈不知此難久全。但以身許國。有死無貳耳。戰敗。還府。整服安坐。子鑒執送建康。景欲活之。岷曰。吾忝任專城。朝廷傾危。不能匡復。速死爲幸。景猶欲存其一子。岷曰。吾一門已在鬼錄。不就爾虜求恩。景怒。盡殺之。并殺沈浚。初。景旣背盟。又復請和高祖。遣浚詣景所。浚見景無去志。發憤責之。景橫刀于膝。嗔目叱之。浚曰。負恩亡義。違棄詛盟。固天地所不容。沈浚五十之年。常恐不得死所。何爲以死相懼邪。因徑去。不顧。景以其直。捨之。及是。卒被殺。

梁岳陽王詵攻江陵。湘東王繹遣兵襲襄陽。詵遁還。繹使竟陵太守王僧辯攻湘州。

鮑泉攻湘州。河東王詵迎戰而敗。退保長沙。泉圍之。岳

陽王詵留叅軍蔡大寶

字敬位。濟陽考城人。

守襄陽。帥衆伐江陵。

以救湘州。湘東王繹大懼。時新興

晉僑郡。隋改縣。曰安興。唐省。故城在今荆

州府江陵縣。

太守杜崩

杜陵人。懷寶之子。

在督軍。繹與之有舊。密邀

之。崩帥所部降。其兄岸請以五百騎襲襄陽。距城三十

里。城中始覺。蔡大寶奉督母登城拒戰。督聞之。遁還。岸

亦走。繹出王僧辯于獄。代泉攻長沙。

邵陵王綸致書于繹曰。今社稷危耻。

創巨痛深。惟應剖心嘗膽。泣血枕戈。其餘小忿。或宜容貫。若外難未除。家禍仍構。料今訪古。未或不亡。夫征戰之理。唯求克勝。至于骨肉之戰。愈勝愈酷。勞兵損義。虧失多矣。弟若陷洞庭。不戢兵刃。雍州疑迫。何以自安。必引魏軍以求形援。弟若不安。國家去矣。繹不從。綸流涕曰。天下之事。一至于斯。湘州若敗。吾亡無日矣。

冬十一月。梁湘東王繹遣兵攻襄陽。岳陽王督乞師于魏。

魏遣開府楊忠率師救之。

督既與湘東王繹為敵。恐不能自存。遣使求援于魏。請

爲附庸。繹使柳仲禮鎮竟陵。以圖警。警懼。遣其妃王氏

及世子寮。

字道遠。

爲質于魏。宇文泰欲經畧江漢。以楊忠

都督三荆。

注見前。

諸軍鎮穰城。仲禮帥衆趣襄陽。泰遣忠

及僕射長孫儉。

本名慶明。嵩五世孫。

將兵擊仲禮。以救警。

十二月。侯景陷錢塘。會稽執梁刺史南郡王大連。

字仁靖。大款之弟。

弟。

宋子仙陷錢塘。乘勝渡浙江。至會稽。邵陵王綸奔鄱陽。

時會稽豐沃。勝兵數萬。糧仗山積。東人懲侯景殘虐。咸

樂爲用。而大連朝夕酣飲。不恤軍士。司馬留異。

東陽長山人。

凶狡殘暴。爲衆所患。大連悉以軍委之。子仙至。大連棄城走。異以其衆降。爲子仙鄉導。追及大連。執送建康。大

連猶醉不之知。于是三吳

吳郡吳興會稽是為三吳

盡没于景。

梁始興太守陳霸先起兵討侯景。

先是梁廣州刺史元景仲

法僧之子

謀應侯景

景以景仲元氏之族遣信

許奉為主

陳霸先以兵討之。景仲敗死。霸先迎定州

注見前刺

史蕭勃

吳平侯景之子

鎮廣州。勃以霸先監始興郡事。至是霸

先結郡中豪傑將討景。遣杜僧明將二千人頓于嶺上。

勃遣人止之。霸先曰。京都覆沒。君辱臣死。君侯體則皇

枝。任重方岳。不能赴援。遣僕一軍。猶賢乎已。而更止之

乎。乃遣使間道詣湘東王繹受節度。

霸先至大庾嶺南康土豪蔡路養以

兵拒之。其黨蕭摩訶年十三。單騎出戰。無敢當者。霸先擊之路。養敗走。摩訶降。霸先遂進軍南康。湘東王繹承

制以霸先為交州刺史。大庾嶺南康注俱見前。蕭摩訶字元允。蘭陵人。

東魏取梁司州。

先是梁東徐北青州。

梁于下邳郡置東徐州。又于東海懷仁縣置南北二青州。下邳注見

前懷仁廢縣。在今海州。賴榆縣。

皆降于東魏。東魏遂取梁青州。

即南及

山陽郡。

今淮安府是。

已而又取淮陰。

注見前。

至是復取司州于

是東魏盡有淮南之地。

庚梁太宗簡文帝綱大寶元年。魏大統十六年。東魏武定

午八年。齊顯祖文宣帝高洋天保元年。是歲東魏亡。齊

代。春正月東魏高洋自為丞相都督中外諸軍錄尚書事。

封齊王。梁邵陵王綸至江夏。自稱都督中外諸軍承制。

綸自鄱陽進至九江。尋陽王大心以江州讓之。綸不受。

引兵西上。至江夏。南平王恪以郢州讓之。亦不受。乃推

綸爲假黃鉞都督承制。

梁祖皓

暉之子

起兵廣陵。殺侯景將董紹先。二月。景陷廣陵。

皓死之。

廣陵人來疑

字德山

說前太守祖皓曰。董紹先輕而無謀。

人情不附。襲而殺之。此壯士之任耳。今欲糾帥義勇。奉

戴府君。若其克捷。可立桓文之勲。必天未悔禍。猶足爲

梁室忠臣。皓曰。此僕所願也。乃相與糾合勇士百餘人。

襲廣陵。斬董紹先。馳檄遠近。推蕭勵

勃之弟

爲刺史。景遣

郭元建攻之。皓嬰城固守。未幾。城陷。皓被執。景車裂之。

遂屠廣陵。疑闔門皆被害。

一子逃免。後仕于陳。

魏師進次石城。

注見前。

梁湘東王繹請盟。魏師還。

先是魏楊忠圍梁安陸柳仲禮馳還救之兵敗被執安陸竟陵皆降于忠于是漢東盡入于魏至是忠乘勝至石城欲進逼江陵梁湘東王繹遣舍人庾恪說忠曰嘗來伐叔而魏助之何以使天下歸心忠遂停建北建一作建水今荆門州有建水亦曰建陽河繹請送質求和魏人許之乃盟而還梁旱蝗。

時江南連年旱蝗江揚尤甚百姓流亡草根木葉食之皆盡富室或衣羅綺懷金玉而死白骨成聚如邱隴焉夏四月梁王僧辯克湘州殺河東王譽。

初湘東世子方等之死湘州將周鐵虎陳書本傳不知何許人南史同功最多譽委遇甚重至是僧辯得鐵虎命烹之呼曰侯

景未滅。奈何殺壯士。僧辯奇其言而釋之。

梁湘東王繹移檄討侯景。

繹聞高祖之喪。以長沙未下。匿之。至是始發喪。刻檀爲高祖像。事之甚謹。動靜必咨焉。以天子制於賊臣。不肯從大寶之號。猶稱太清四年。下令大舉討侯景。移檄遠近。

五月。東魏高洋稱皇帝。廢東魏主。善見爲中山王。東魏主在位十年而亡。

東魏徐之才。

丹陽人。

宋景業。

廣宗人。

善圖讖。因高德政。

字士貞。勃

海蓼人。勸齊王洋受魏禪。先是童謠曰。一東蓂。兩頭然。河爲高河邊殺。魏爲水邊羊。齊王洋以告婁太妃。太妃曰。名也。于是之才等勸洋受禪。

汝父如龍。汝兄如虎。猶以天位不可妄據。終身北面。汝

獨何人。欲行舜禹之事乎。洋以告之才。之才曰。正爲不

及父兄。故宜早升尊位耳。

洋使德政如鄴。未還。卽擁兵而東。至平都城。召諸勳貴議

之。莫敢對。長史杜弼曰。關西國之勍敵。今若受禪。彼必挾天子。稱義兵而東。王何以待之乎。徐之才曰。彼亦欲

爲王所爲。縱其屈彊。不過隨我稱帝耳。弼無以應。德政至鄴。公卿莫有應者。司馬子如逆洋于遼陽。固言未可。

洋遂還。居常不悅。景業復勸之。

平都城。在今山西遼州和順縣。遼陽。今遼州是。

洋乃發晉陽。

東魏進洋位相國。總百揆。備九錫。洋至鄴。使侍中張亮

等。見東魏主。逼以禪位。魏主斂容曰。推挹已久。今當遜

避。乃下御座。步就東廊。詠後漢書獻帝贊。求入與六宮

別。舉宮皆哭。直長趙道德以故犢車一乘。送出雲龍門。

百僚拜辭。遂遷于北城。遣彭城王韶等奉璽綬。禪位于

齊王洋即皇帝位于南郊。封東魏主為中山王。追尊

王。文襄王。皆為皇帝。獻武廟號高祖。文襄廟號世宗。王太妃為皇太后。降魏朝封爵有差。是月。齊主立趙郡

李希宗女為皇后。后子殷為太子。

梁武陵王紀遣其世子圓照。字明將兵赴援。次于白帝。

時梁境唯荆。益。所部尚完實。益州刺史武陵王紀移告

征鎮。使世子圓照帥兵。受湘東王節度。繹授以信州刺

史。令屯白帝。未許東下。

魏立蕭詧為梁王。詧朝于魏。

魏人欲令岳陽王詧發哀嗣位。詧辭。乃遣使命詧為梁

王。建臺置百官。詧遂入朝于魏。詧自是為北朝附庸。

梁高州刺史李遷仕反。高涼後漢郡。梁為高州治。故城在今肇慶府陽江縣。太守

督雖為湘東所逼。然舍宗邦而朝敵國。卒致覺成骨肉廟社邱墟。其罪實浮于繹矣。作史者以其子孫仕唐顯貴。遂多恕辭。豈得為哉。筆直。

馮寶妻洗氏討敗之

梁高涼太守馮寶故北燕主弘之族也

初北燕主弘之奔高麗使其族人

馮業以三百人浮海奔宋因留新會自業至孫融世爲羅州刺史融子寶爲高涼太守新會宋郡隋改爲縣今屬廣州府羅州梁置治石龍故城在今高州府化州娶高涼洗氏氏多籌畧善

用兵部衆皆服之高州刺史李遷仕遣使召寶寶欲往

洗氏止之曰刺史無故不應召太守此必欲詐君共反

耳且無往以觀其變數日遷仕果反遣主帥杜平虜將

兵逼南康陳霸先使周文育擊之洗氏謂寶曰平虜今

與官軍相拒勢不得還遷仕在州無能爲也君宜遣使

卑辭厚禮告以欲遣婦參彼必喜而無備我將千餘人

步擔雜物唱言輸賧蠻人以貨爲賧得至柵下破之必矣寶從

之遷仕果不設備。洗氏襲擊大破之。遷仕走保寧都。新吳

都縣。宋改名。今爲州。隸江西。

文育亦擊走平虜。據其城。洗氏與霸先會于贛石。還

謂寶曰。陳都督非常人也。甚得衆心。必能平賊。宜厚資

之。明年二月。霸先擊斬遷仕。進兵江州。湘東王繹以爲

江州刺史。贛石。卽今贛江之十八灘。灘

多巨石。陳書高祖紀所云南康贛石是也。

秋七月。侯景陷江州及豫章。

初。東魏遣牒云洛

牒云。代北複姓。洛武川人。等迎鄱陽世子嗣。字長

使鎮皖城未行。侯景遣任約將兵寇江州。洛等引去。嗣

失援敗死。約遂畧地至湓城。尋陽王大心出兵戰敗。遂

以州降。鄱陽將侯瑱

字伯玉。巴西人。據豫章。景遣于慶畧地南

至。瑱力屈亦降。景以瑱同姓。待之甚厚。質其妻子。遣隨

慶畧。南

彭澤。諸郡

齊定律始立九等戶。戶有上中下三等。每等又分上中下。是為九等。

齊主初立勵精為治。趙道德以事屬黎陽太守房超。清

人。超不發書。梏殺其使。齊主善之。命守宰各設梏。以誅

屬請之使。久之。中郎宋軌奏曰。若受使請賕。猶致大戮。

身為枉法。何以加罪。乃罷之。尋詔僕射薛淑等。取魏麟

趾格。討論損益。以為齊律。簡練六坊之人。每一人必當

百人。任也。保任。其臨陳必死。然後取之。謂之百保鮮卑。又

簡華人勇力者。謂之勇士。以備邊要。始立九等之戶。富

者稅其錢。貧者役其力。

九月。梁湘東王繹取郢州。邵陵王綸奔齊昌。南齊郡。今黃州府蘄州是。

侯景兵襲之。綸遂奔齊。齊以為梁王。

邵陵書喻湘東執言尚正
卽西園涕泣亦頗自知動
心柳津乃以不忠不孝與
仲禮並譏持論不無矯激
然觀綸終于降齊苟仲則
畏首畏尾亦不過彼善於
此而已

邵陵王綸大修鎧仗將討侯景湘東王繹惡之遣王僧
辯鮑泉帥舟師襲之至鸚鵡洲在今武昌府江夏縣西南江中綸遣其
子磧將兵擊之且以書責僧辯曰將軍前年殺人之姪
今歲伐人之兄以此求榮恐天下不許僧辯送書于繹
繹命進軍綸乃集其麾下於西園涕泣言曰我本無他
志在滅賊湘東常謂與之爭帝遂爾見伐今日欲守則
交絕糧儲欲戰則取笑千載不容無事受縛當于下流
避之麾下士爭出請戰不從綸與磧登舟北出僧辯
人據郢州繹以其世子方諸字明為刺史綸與左右輕
舟奔武昌已稍收散卒屯于齊昌遣使請降于齊齊以
綸為梁主任約進寇西陽注見前武昌綸引齊兵未至移

營馬柵。在今黃州府黃岡縣北。距西陽八十里。任約聞之。遣叱羅

通。叱羅代北復姓。通名。等襲之。綸不為備。策馬亡走。至汝南。晉僑郡。故

城在今武昌府江夏縣。水經注。魏城主李素。綸故吏也。晉咸和中。戶口南渡。因置斯郡。綸在汝南。修城池。集士

開城納之。任約遂據西陽。武昌。卒將圖安陸。魏宇文泰

遣楊忠攻拔汝南。執綸殺之。投屍江岸。岳陽王詵迎葬襄陽。

侯景自稱漢王。

景又自加宇宙大將軍。都督六合諸軍事。梁主驚曰。將

軍乃有宇宙之號乎。

冬十月。魏宇文泰伐齊。不戰而還。洛陽。平陽皆降于齊。

泰以齊主稱帝。伐之。自恒農為橋濟河。至建州。此西魏

州。今絳州。齊主自將出頓東城。在今太原府太泰聞其

軍容嚴盛。歎曰。高歡不死矣。會久雨。畜產皆死。乃還于
是河南。自洛陽河北。自平陽以東。皆入于齊。

梁寧州

注見前。

刺史徐文盛

字道茂。彭城人。

敗侯景兵于貝磯。

水經注。江

水東過

邾縣南。又東逕貝磯。邾縣今黃州府黃岡縣是。

初。梁寧州刺史徐文盛募兵討侯景。湘東王繹使將兵

東下。與任約遇。軍貝磯。任約逆戰。文盛大破之。進軍大

舉口。

舉水入江之口。舉水出黃州府麻城縣。今日岐亭河。至黃岡入江。

侯景以約守西

陽。久不能進。自出屯晉熙。

晉郡。唐改舒州。今安慶府是。

侯景殺南康王會理。武林侯諮。

字世恭。鄱陽王範之子。

南康王會理以侯景既出。建康空虛。與柳敬禮

仲禮之弟。西

鄉侯勸東鄉侯勔。

皆吳平侯景之子。

謀起兵誅王偉。建安侯賁。

隋唐府兵並祖宇文泰之
制劉友益以為得三代禹
兵于農遺意然沿及開元
天寶間調發遠征勾稽缺
籍又成弊政矣故曰徒法
不能以自行

正德弟正
立之子
中宿世子子邕
中宿世子中宿侯之世
子子邕始興王憺之孫
以告

偉偉收會理等殺之
錢塘諸葛以會理故舊捶掠千計
終無異言會理隔壁謂之曰卿雖

忍死明我心實欲殺
賊竟竟不服景乃宥之
梁主既立景防衛甚嚴唯武林

侯諮及僕射王克舍人殷不害並以文弱得出入臥內

講論而已及是克不害懼禍稍自疎諮獨不去景惡之

使人殺之封賁為竟陵王子邕為隨王賜姓侯氏

魏初作府兵
胡三省曰唐
府兵本此

魏宇文泰始籍民之才力者為府兵身租庸調一切蠲

之
凡受田之丁歲輸粟謂之租隨鄉所出輸絹綾絲麻
布無則輸銀謂之調用民之力歲二十日閏加二日

不役則折絹謂之庸
以農隙講閱戰陳馬畜糧備六家

既籍為兵則皆免之
供之合為百府每府一將主之分屬二十四軍凡十

二大將軍。每大將軍。各統開府二人。開府各領一軍。
齊行天保歷。

宋景業所造也。

辛梁大寶二年。魏大統未十七年。齊天保二年。春三月。魏主寶炬殂。太子欽立。
廢帝。

齊以梁湘東王繹爲梁相國承制。

閏月。梁徐文盛伐侯景。敗之。

文盛攻克武昌。任約告急。侯景自帥衆西上。以太子大
器爲質。留王偉居守。至西陽。與徐文盛夾江築壘。文盛
擊破之。景遁還營。

夏四月。侯景陷梁郢州。執刺史蕭方諸。徐文盛奔江陵。

方諸年十五恃文盛在近不設備。日以捕酒爲樂。侯景使宋子仙在約襲之。入其城。方諸迎拜。鮑泉匿牀下。擒以送景。景因風便。中江舉帆。遂越文盛等軍。直入江夏。文盛衆懼而潰。逃歸江陵。

梁湘東王繹遣大都督王僧辯伐侯景。次巴陵。景攻之不克。六月。繹使胡僧祐字願果南陽宛軍人擊景。敗之。獲其將任約。景遁還。

湘東王繹以王僧辯爲大都督。帥諸將東擊景。至巴陵。

聞郢州陷。因留戍之。繹遣僧辯書曰。賊旣乘勝。必將西

下。不勞遠擊。但守巴邱。

山名。在今岳州府城內。

以逸待勞。無不克

矣。

繹又謂僚佐曰。景若水步兩道。直指江陵。此上策也。據夏首。積兵糧。中策也。悉力攻巴陵。下策也。巴陵城

小而固。僧辯可任。景攻不拔。野無所掠。暑疫時起。食盡。兵疲。破之必矣。夏首。夏水之首。江之汜也。在武昌江中。乃命徐嗣徽自岳陽。杜蒨自武陵。引兵會僧辯。景使

丁和守夏首。宋子仙為前驅。趣巴陵。分遣任約直指江

陵。景帥大兵。水步繼進。于是緣江戍邏。望風請服。僧辯

乘城固守。偃旗臥鼓。安若無人。

先是。巴州刺史王珣降景。至是。景濟江。執珣至

城下。使說其弟宜州刺史琳。琳曰。兄受命討賊。不能死。難。曾不內慚。反欲陽誘。取弓射之。珣慚而退。王琳字

子珣。會稽山陰人。

景百道攻城。城中鼓譟。矢石雨下。殺賊甚眾。

景乃退。僧辯著綬乘輿。奏鼓吹巡城。景軍飢疫。死傷大

半。繹遣胡僧祐援巴陵。戒之曰。賊若水戰。以大艦臨之。

必克。若步戰。鼓棹就巴邱。不須交鋒也。僧祐至湘浦。亦

三湘浦在巴陵縣北。

景遣任約帥銳卒據白塔。

亭名。在岳州府華容縣西南。待

之。僧祐由他路西上，潛引兵至赤沙亭。

即赤沙城，在華容縣南。會

信州刺史陸法和

北齊書本傳，不知何許人。

至與之合軍。法和有異

術，隱于百里洲。

在荊州府枝江縣東。

豫言多中，人莫能測。至是以

任約向江陵，請行。既至，與僧祐縱兵擊之。約兵大潰，殺

溺甚衆。擒約，送江陵。景焚營遁，約至，釋赦之。

釋復遣王僧辯引兵

東下至漢口，攻魯山，擒賊將支化仁。至郢州，四面攻之。宋子仙等困蹙，乞輸城而還。僧辯僞許之，命給船百艘，以安其意。子仙將發，僧辯命杜龕帥精勇千人攀堞而上，鼓譟奄進。水軍主朱遙帥樓船，暗江雲合。子仙走至白楊浦，大破之。明帝虎生擒子仙，送江陵斬之。杜龕，窮兄子，暗江雲合言船多如雲，江爲之暗也。

梁湘東王繹誘江安侯圓正

字明允，武陵王紀之子。

執之。

江安侯圓正爲西陽太守，寬和好施，歸附者衆，有兵一萬。湘東王繹欲圖之，署爲平南將軍。及至，囚之，分其部

曲使人告其罪。荆益之釁自此起。

秋八月。侯景廢梁主。綱殺太子大器。而立豫章王棟。

字元吉。安

王歡之子

初。景既克建康。常言吳兒怯。易取。須定中原。然後爲帝。

後納溧陽公主。

梁主之女。景甚愛之。

妨於政事。王偉屢諫。景以告

主。主怒。偉恐爲所讒。因說景除梁主。及景自巴陵敗歸。

猛將多死。自恐不能久存。偉因說以廢立。景從之。遣彭

儻等帥兵入殿。廢梁主爲晉安王。幽於永福省。殺太子

大器。及王侯在建康者二十餘人。迎豫章王棟立之。已

而景欲迎梁主復位。以棟爲太孫。王偉曰。廢立大事。豈

可數改耶。乃止。

冬十月。侯景弑梁主綱。

王偉說侯景弑梁主綱。以絕衆心。景從之。使偉與彭儁王修纂進酒。梁主知將殺已。盡醉而寢。儁進土囊。修纂坐其上而殂。

十一月。侯景廢梁主棟。自稱漢帝。

景卽位於南郊。還登太極殿。其黨數萬。皆吹脣呼譟而上。封梁主棟爲淮陰王。鎖于密室。景居禁中。非故舊不得見。由是諸將多怨望。

十二月。齊主洋弑中山王。

齊主每出入。常以中山王自隨。王妃太原公主恒爲之嘗飲食。護視之。至是。齊主飲公主酒。使人鳩王殺之。并

其三子。

諡曰魏孝靜帝。葬于鄴西。後忽掘而投之漳水。

齊主殺美陽公元暉業。

彭城公元韶。以高氏壻。寵遇異於諸元。美陽公元暉業。

以位望隆重。志氣不倫。尤為齊主所忌。嘗于宮門外。罵

韶曰。爾不及一老嫗。負璽與人。何不擊碎之。

謂漢元皇后投璽缺

角。韶何故奉璽與齊。我出此言。知即死。爾亦詎得幾時。齊主聞而

殺之。

齊主剝韶鬚髯。施粉黛。衣婦人衣。以自隨。曰。我以彭城為嬪御。久之。太史奏。當除舊布新。齊主問韶。

曰。漢光武何故中興。韶曰。為誅諸劉不盡。於是齊主誅諸元二十五家。韶幽於地牢而死。未幾。齊主盡滅元氏

之族。唯元文遙等數家得免。元文遙字德遠。魏常山王遵五世孫。

壬梁世祖孝元帝。承聖元年。申魏主欽元年。齊天保三年。

春正月。突厥土門襲柔然。

殺頭兵可汗。自號伊利可汗。

劉友益曰。突厥始稱可汗。

元韶勸齊主盡殺諸元。不過冀為自全之計耳。乃其身亦不免于幽死。可為為法自儆者。炯鑒。

突厥土門襲擊柔然。大破之。頭兵可汗自殺。土門自號伊利可汗。號其妻為可賀敦。子弟謂之特勒。別將兵者。皆謂之設。

二月。梁湘東王繹遣王僧辯。陳霸先討侯景。

先是。王僧辯乘勝下湓城。陳霸先引兵來會。

侯景將于慶。自鄱陽

還豫章。侯瑱閉門拒之。慶走江州。及僧辯至。慶棄城走。

湘東王繹命僧辯且頓尋

陽。以俟諸軍之集。至是。繹始命僧辯督諸軍東發。舳艫

數百里。陳霸先帥甲士三萬。舟艦二千。自南江

即贛水也。自南

來注彭蠡。北入于江。故謂之南江。

出湓口。會僧辯於白茅灣。

在九江府德化縣北。

築壇歃血。共讀盟文。流涕慷慨。

三月。梁王僧辯。陳霸先擊敗侯景。景亡走吳。

王僧辯等至蕪湖。景聞之懼。侯子鑒據姑孰南洲。以拒

西師。僧辯至。子鑒帥步騎挑戰。又以鵠舫

音鳥了。長船也。兩旁著棹

往來如飛。

千艘載戰士。僧辯麾細船皆退。留大艦夾泊兩岸。

子鑒之衆謂水軍欲退。徑出趣之。大艦斷其歸路。鼓譟

大呼。合戰中江。子鑒大敗。僅以身免。

先是。景戒子鑒曰。西人善水戰。勿與

爭鋒。若步騎一交。必當可破。及聞子鑒敗。大懼。涕下覆面。引衾而臥。良久方起。曰。誤殺乃公。

僧辯督

諸軍乘潮入淮。景塞淮口。緣淮作城。十餘里中。樓堞相

接。僧辯問計于陳霸先。霸先曰。前柳仲禮數十萬兵。隔

水而坐。韋粲在青溪。竟不度岸。賊登高望之。表裏俱盡。

故能敗我。今圍石頭。須度北岸。諸將若不能當鋒。霸先

請往。乃進于石頭西落星山。

在上元縣東北。

築柵。僧辯進軍招

提寺北。景帥衆萬餘人。鐵騎八百餘匹。陳于西州。六朝時揚

州治所。之西。霸先命諸將分處置兵。以分其勢。景衝官軍。

官軍小縮。霸先遣將軍徐度。字孝節。安陸人。將弩手二千。橫截

其後。景兵却。霸先與王琳、杜龕等。以鐵騎乘之。僧辯以

大軍繼進。景兵敗入柵。其將盧暉略以石頭降。僧辯入

據之。景與霸先殊死戰。景帥百餘騎棄稍執刀。左右衝

陳不動。衆遂大潰。景至闕下。不敢入臺。與其黨百餘騎。

東走入吳。

僧辯不戢軍士。剽掠居民。號泣滿道。是夜。軍

無遺。明日。乃命侯瑱等帥精甲追景。王克等帥臺內舊

臣迎僧辯于道。僧辯問克瑩綬何在。克良久曰。趙平原

持去。僧辯曰。王氏百世卿族。一朝僧辯迎太宗梓宮升

墜矣。趙平原。景侍中趙思賢也。朝堂。帥百官哭踊如禮。上表勸進于湘東王。且迎都建

業不許。

景黨侯子鑒等皆降齊。獲王偉。送建康。僧辯啟陳霸先鎮京口。

梁湘東王繹殺豫章王棟。

王僧辯之發江陵也。啟湘東王曰。平賊之後。嗣君何以爲禮。王曰。六門之內。自極兵威。僧辯曰。討賊之謀。臣爲已任。成濟之事。請別舉人。王乃密諭朱買臣。使爲之所。及景敗。豫章王棟及二弟橋。穆。相扶出于密室。逢杜崩于道。爲去其鎖。二弟曰。今日始免橫死矣。棟曰。倚伏難知。吾猶有懼。買臣呼之就船。並沈于水。

夏四月。梁武陵王紀稱帝于成都。

紀頗有武略。在蜀十七年。南開寧州。越雋。西通資陵。西國吐谷渾。內修耕桑鹽鐵之政。外通商賈。遠方之利。故

能殖其財用器甲殷積有馬八千匹聞侯景陷臺城湘

東王繹將討之謂僚佐曰七官文士豈能匡濟長史劉

孝勝

孝儀之弟

等勸紀稱帝會內寢殿柱繞節生花紀以為

已瑞遂即帝位立子圓照為太子司馬王僧略

僧辯之弟

參

軍徐怿

勉從子

固諫不從

初臺城之圍怿勸紀速入援紀意不欲行內銜之會人告怿反

紀謂曰以卿舊情當使諸子無恙對曰生兒悉如殿下留之何益紀乃盡誅之亦殺僧略永豐侯撫歎曰王事不成矣善人國之基也今先殺之不亡何待永豐侯撫字智遐安成王秀之子

侯景伏誅

侯瑱追及景於松江

今日吳淞江自太湖分流逕蘇州府之吳江長洲諸縣界至太倉州

寶山縣合黃浦入海

進擊敗之斬彭儁等景與腹心數十人單舸

走將入海羊侃之子鵬為景都督殺之送尸建康傳首

江陵截其手送於齊。暴景尸于市。士民爭取食之。并骨皆盡。深陽公主亦預食焉。景五子在北齊皆殺之。是月始葬。

簡文帝廟號曰太宗。

盜竊梁傳國璽歸之於齊。

侯景之敗也。以傳國璽自隨。使其侍中趙思賢掌之。曰。若我死。宜沈於江。思賢濟江遇盜。從者棄之草間。至廣陵。以告郭元建。元建取之送鄴。

梁以王僧辯爲司徒。陳霸先爲征虜將軍。開府儀同三司。賞平侯景之功也。

王偉等伏誅。

王僧辯送王偉等于江陵。偉于獄中上詩。湘東王愛其

王偉之罪雖寸磔不足以謝天下。纓始以愛其才而

欲宥之其決意誅之也乃
激於湘東一目之語豈復
知有大義者耶

才欲宥之有言于王者曰偉作檄文甚佳王求得之見

其有湘東一目之語乃怒誅之偉檄云項羽重瞳尚有

為赤縣所歸上大怒釘其
舌於柱剗腹臠肉而殺之

梁以魯悉達字志通扶風人為北江州梁置治鹿城注見前刺史

扶風晉僑郡治筑口在今襄陽府穀城縣魯悉達糾合鄉人以保新蔡是為

南新蔡郡晉置故城在今黃州府黃梅縣力田蓄穀時江東饑亂餓死者什

八九遺民攜老幼歸之悉達分給糧廩全濟甚眾招集

晉熙注見前等五郡盡有其地使其弟廣達字遍覽將兵從

王僧辯討侯景故因而命之

齊人侵梁圍秦郡梁置今江寧府六合縣是陳霸先擊敗之

齊主遣潘樂郭元建將兵圍秦郡行臺辛術字懷哲狄道人諫

曰朝廷與湘東王信使不絕陽平

齊郡梁移置安宜故城在今揚州府寶應

縣侯景之土取之可也今王僧辯已遣嚴超達守秦郡

何得爭之且水潦方降不如班師不從陳霸先命徐度

引兵助守齊衆七萬攻之甚急僧辯使杜崱救之霸先

亦自歐陽來會與戰破之斬首萬餘級

是時齊政煩賦重江北之民不

樂屬齊

廣陵僑人朱盛等聚黨謀襲殺齊刺史遣使求

援霸先因進圍廣陵齊主使告霸先日若釋圍必歸廣

陵歷陽兩城霸先乃引還江

北之民從濟江者萬餘口

齊以辛術爲吏部尚書

自魏遷鄴以來大選之職知名者數人互有得失高澄

少年高朗所弊者疎袁叔德

名聿修魏中書令翻之子

沈密謹厚所

傷者細楊愔風流辯給取士失于浮華惟術性尚貞明

晉宋以來官人之弊不遇
采取門閥延擢浮華歷世
相沿迄無變易更以循名
責實參舉折度推美幸術

曾不知爾時紳士中名實才器竟副其選者果誰耶則亦徒與山公啟事侈談標榜者同一無實濟耳

取士必以才器。循名責實。新舊參舉。管庫必擢。門閥不遺。考之前後。最爲折衷。

梁秦梁刺史蕭循

南史作修。字世和。武陵侯諮弟。封宜豐侯。

以州降魏。已復歸

於梁。

先是。魏將軍達奚武侵梁南鄭。梁秦梁二州刺史蕭循。

遣參軍劉璠

字寶義。沛人。

請救于武陵王紀。

是時侯景方逼江陵。湘東王求

援于魏。令循以南鄭輸魏。循不可。故魏伐之。

紀遣潼州

梁置。今四川綿州是。

刺史楊乾

運救之。至劍北。

大劍山之北。

乾運戰敗。璠被執。送長安。循守

南鄭。武圍之。久不下。遣行臺左丞柳帶韋

字孝孫。河東人。

入城

說曰。足下所固者險。所恃者援。所保者民。今險不足固。

援不可恃。民不可保。而宗國喪亂。社稷無主。欲誰爲

去

聲

爲忠乎。循乃降。于是劍北皆入于魏。循至長安。宇文

泰待之甚厚。未幾。遣還江陵。

循之降也。劉璠先已至魏。宇文泰遇之如舊交。泰許

循南還。久而未遣。從容問璠曰。

我于古誰比。對曰。璠常

以公爲湯武。今日所見。曾桓文之不如。泰曰。何也。對曰。齊桓存三亡國。晉文不失信于伐原。語未竟。泰撫掌曰。

我解爾意。乃厚禮循而遣之。循以文武千家自隨。湘東

王疑之。遣使覘察。命劫竊其財。循啟輸馬仗。王乃安之。

冬十月。梁湘州刺史王琳下獄。其長史陸納入于湘州以叛。

琳本會稽兵家。其姊妹皆入湘東王宮。故琳少在王左

右。琳好勇。傾身下士。所得賞賜。不以入家。麾下萬人。多

江淮羣盜。從王僧辯平侯景。與杜龔功居第一。在建康

恃寵縱暴。僧辯不能禁。乃密啟王。請誅琳。王以琳爲湘

州。琳自疑及禍。使長史陸納帥部曲赴州。身詣江陵。謂
納等曰。吾若不返。子將安之。咸曰。請死之。相泣而別。至
江陵。王下琳吏。以子方略代琳。以黃羅漢爲長史。使與
太舟卿本梁都水使者。天監中改位列卿之末。張載至巴陵。據琳軍。載有
寵于王。御下峻刻。荆人疾之如讐。至軍。陸納及士卒並
哭。不受命。殺載。以羅漢清謹而免之。與諸將引兵襲據
湘州。

十一月。梁主繹立。

是爲元帝。

梁公卿藩鎮。數勸進于湘東王。王遂卽位于江陵。是日。

不升正殿。公卿陪位而已。

侯景之亂。州郡大半入魏。自巴陵以下至建康。以長江爲

限。荆州界。北盡武寧。西拒硤口。嶺南復爲蕭勃所據。詔令所行。千里而近。民戶著籍。不盈三萬。武寧。晉郡。隋

廢。故城在今安陸府荊門州。

梁以蕭循爲湘州刺史。陸納襲巴陵。循擊敗之。

梁主徵王僧辯等。與蕭循共討陸納。循軍巴陵以待之。頃之。納請降。求送妻子。循曰。此詐也。必將襲我。乃密爲之備。納果夜以輕兵繼至。鼓譟。軍中皆驚。循坐胡牀于壘門望之。略無懼色。徐部分將士擊之。獲其一艦。納退保長沙。



